

青浦縣志

22.6513  
5033.0732  
18


卷二十


人物四

卷二十一

人物五

Kodak Color Control Patches





青浦縣志卷二十

人物四

孝友傳

張武

顧道衍

任良能

姚北

顧敏

韓宏謨

王節

潘可觀

周賓禮

顧悌

衛公佐

金子安

夏薰

金鉉

陳仲山

吳家瑞

陸滔

陳遺

衛時敏

衛德嘉


俞顯

徐億

田有相

唐昌世

孫芝玉



李嘉言子煥

汪聯芳沈季文曹世祿

李承恭董振

徐誥曹恕

呂稷

蔡象春

蔣淑父必大

陸從龍父靜

黃振鳴父思誠弟中孚

沈儒

蔡重光

諸懋敏

胡閻

程化龍

王懷奇

黃廷瑞

倪德唯

葉之奇子承謨

楊世植子烈

張佐庭

張用棟

孫琮陸士佐

沈翰李法

姜應隆子璜如

袁載錫子涵孫

伍常弟啟涵賓

金世祺黃朝鼎許臚

秦楊徐鳳詔

張成忠友誠

錢凝九

吳周紘

周鵬翔子騰猷

朱修來

張星燦

顧天桂沈璋

宋來生

陳文述丁禹欽

蔡馥庭蔣世華

馬良法

胡勳堯

呂針榮子蘭谷

程錫萬

顧德林

董時雍子和衷

朱以恭

董自凡

董和斗

陶宏化

楊三俊

潘聯璧朱孝忠諸自振

盛海

陳本

吳桂庭

朱小泉

汪元祺

戴高姪孫師桂

徐淞

沈蒙端

金乃銑陳諤

漢張武父業郡門下掾送太守妻子還鄉里至河內亭盜夜劫之業與賊戰死遂失屍骸武時年幼不及識父後之太學受業每節常持父遺劍至亡處祭酸泣而還太守第五倫嘉其行舉孝廉遭母喪過毀傷父魂不返因哀慟而卒

吳顧悌字子通丞相雍族人以孝弟廉正聞於鄉黨年十五為郡吏除郎中稍遷偏將軍數與朱據諫權嫡庶不分言辭切直朝眾憚之父向歷四縣令悌每得父書常灑掃整衣服更設几筵舒書其上拜跪讀之每句應諾畢後再拜若父有疾耗之問至則臨書垂涕聲語哽咽父年老致仕以壽終悌飲漿不入口五日迫君命以不見父喪常畫壁作棺象設神座於下每對之哭泣服未闋而卒

晉陳遺性至孝母好食饋底飯遺作主簿恆帶一囊每煮食輒剝焦以奉母會賊寇吳郡袁山松即日徂征遺已藏得數斗未展歸家遂攜以從征戰於淝濱敗軍潰散山澤間多餓死遺獨以焦飯得活母聞亂晝夜啼泣目失明遺還及戶再拜號咽豁然即明

唐顧道衍字正平野王之孫開元中舉進士又登文學優贍科仕為湖州司功參軍廉平惠愛獄簡訟息民稱焉後棄官歸吳築室奉母

宋衛公佐字輔之祖至有文行舉進士公佐被恩命授將仕郎官揚州助教母郁早卒事繼母陳盡孝時華亭未有學舍地為址獨任禮殿之役熙甯末饑疫施粥與藥瘞殍給棺無慮數萬元豐中復饑額稅無所出轉運使畱舊令嚴督捕負累繫盈庭又為出粟代輸釋繫者而舊令始得解去民相與踵門謝曰微君吾屬將死於縲絏矣年五十八無疾而卒前一日展先塋且徧謁親舊若與之訣者歸語家人曰我生樂善好施不為不義今也云亡可無憾矣弟公亮公望並敦行義其後子孫蕃盛終宋世云

衛時敏與弟季敏友愛甚篤三世同居甯宗御書友順堂額賜之季敏文節涇之父也

任良能字子益號清逸居士讀書樂道力行孝弟能詩文省府交辟不起

元金子安字幼仁居漢城里七歲失怙事母凌得其歡心母病革子安稽顙告天求代翼日母忽蘇曰適神語我而子孝加爾壽三十四及母沒乃三十四日也鄉有悖倫者往往感激改行嘗市地於鄰除之得白金一罌亟召其人歸之

衛德嘉字立禮謙子官潮州路儒學正妻亡不娶獨居垂三十年閉戶讀書以風節自持至正間盜起州里解散德嘉不爲動曰吾當守死先祠下耳時人稱其孝

姚玘字比玉金澤人家甚貧喜讀書同里林青爲延名師盡

出藏書教之卒成業楊完者兵亂玘奉母陳氏逃至河不得渡母曰兵至吾誓不受辱遂沈水玘倉皇投水救之負母出奉以渡旣爲張士誠兵所虜疑從苗中來縛送柳上軍會有辨得免主軍者欲署爲部吏玘假小舟遁母病忽思魚羹暮夜莫能得家蓄貓甚馴囑之若有會尋出戶致白魚盈尺歸以供母人以爲孝感兵息浙行省辟之以親老辭人益高其節

夏鼐瓢湖人幼失怙母吳守節撫鼐與鼎鼐並敦學行崇孝養築堂奉母曰愛萱母垂老而樂康逾壯年錢思復記其事王逢美之以詩

俞顯字彥遠道善四世孫道善見游寓傳元末奉母避兵路阻大澤兵且至顯度不免默禱天負母竟涉如行淺水盜異

之不敢迫遂免於難賦性愿直寡言笑造次必循矩度治家尤嚴立義塾教授里中子弟不循檢者相戒懼其聞知晚年由鳳凰山下居祥澤人稱澤隱處士

明顧敏字文敏洪武初父仲睦受誣被逮論死敏年十三刺血上書白父寃太祖憫之得減放歸詔旌其門敏生平樂善好施年八十餘夫婦結草龕偕坐卻去俗累日談古今人盛德事成化中俱無疾而終子英自有傳

金鉉字文鼎居七寶鎮喜吟咏精書畫時稱三絕有孝行茹清蹈潔當路欲薦之以親老固辭楊榮聞其名寄詩通問不答人益高之以子鈍貴封中書舍人鈍字汝礪次子銳字汝潛書法並有父風

徐億字子栽家柳西倭躡境億駕輕舟奉父母避匿遇倭奮

力挺擊親得脫已墮水有浮草隱之越數日乃免母疾籲天請代父病疽親吮之迨沒哀毀骨立絕而復蘇旣葬結茅廬墓冬不絮夏不帷臥不牀草茵瓦枕喪畢不食鹽酪不括髮者三年墓去家不四里每歸祀祖未嘗還內子有亨孝友樸謹居喪素食三年如一日鄉里稱徐氏世孝云初縣上億狀御史溫如璋按郡召見給鼓吹導騎出城聞諸朝旌其家曰孝行之門

韓宏謨字似松諸生嘉靖三十三年倭犯沈巷獲其母欲刃之宏謨號泣請代皆被殺宏謨妻子哭奔救并遇害至今人稱韓似松一門爭死云時有三十五保人孟羽治母迨氏年七十一亦爲倭掠乞身代不從捐金贖之得歸母驚悸成疾醫禱罔效羽治割股以療乃瘥又有曹永康者唐行鎮人事

祖伯昭父明皆盡孝道伯昭濬橫泖以通水利永康續成之及倭掠唐行率其子負二親日步行百里得免後舉鄉飲賓卒年九十有九

陳仲山字仁卿其先由杭州徙居小蒸幼爲張氏鞠養蒙其姓少愷孝友兄弟貧推腴產資之已獨奉父母朝夕上食甚謹父卒甫就殮倭寇至掖母奉櫬而逃已葬父泖涇倭又至乃奉母還里里人困踐更仲山奮身出代之知府胡峻德廉其賢竟罷役臺使守令先後表明年八十九終著述見藝文田有相字道子華亭諸生學使者按部校士以醉失期遂棄去居泖上治圃藝橘每秋深時綠陰朱實侍父杖履游行其際具旨醕爲樂父因號橘莊翁人稱有相爲孝隱云

王節任淇浜人業農嘉靖間父病劇節割股肉作羹進之尋愈萬歷中有張可成張茂並五十保人朱寶金澤人咸以割股療親疾鄉里稱爲孝後又有夏尙文葉瀛尙文字思莪六世同居由石蓮涇遷唐行鎮父病割股求以身代子鍾龍府學生亦以孝友聞瀛字十洲原籍新安七歲喪父事母克盡孝道母病嘗割股以進病獲瘳卒年九十三楊時儼高應貞則割股愈祖母疾應貞尤以孺孝著

潘可觀字貞所少慧年十二補縣學生以貢任常州府訓導年甫及壯也母年高善怒一日撻婢嚙其指血沾衣可觀跪而泣曰母得無傷齒否母怒頓息羣稱孝子補餘杭識鮑奇模於諸生後奇模爲縣令絕不干以私子衷昉字公亮天啟四年舉人與弟衷皓皆以孝弟樂善著

吳家瑞字世禎幼孤兄某前母所生愛家瑞甚至嫂沈氏撫



之亦有恩里人稱之家瑞少有至性自以不識父母長而哀慕終日閉目疑思如是數年恍惚若有所見遂援筆圖之狀貌如生覽者感歎舉天啟元年鄉薦除當塗教諭擢延平府推官旋移雷州府同知所至著稱謝歸結廬墓側以終唐昌世字興公幼事祖母孝比長能文章成天啟五年進士補工部營繕司主事歷官至郎中崇禎二年以積忤中官借端題參奪職歸十五年工部尙書范景文疏薦不報福王時張鳳翔起巡撫復薦之時年已六十連喪二親哀毀骨立所跪席雙趺隱然比服闋南都破遂屏居不復出弟昌齡字吾修崇禎十年進士南京兵部主事

周賓禮字元馭同母兄弟三人惟賓禮業賈竭其資以供兄弟讀書每夕治茶湯進恆從壁間伺聞呻吟聲欣然厭意以去既老以私財均授之兄弟無吝色有子五以諸生世其家陸滔字怡峯居沈巷性剛直遇人無私曲事親尤以孝聞母得痼疾竭誠調治歷三載如一日陳繼儒爲作陸孝子傳孫芝秀字止文縣學生芝玉字放質太學生改名登皆士美子士美之殉節蕪蕩亭也登年十九從伏士美尸痛哭身被三刃僵臥積屍中三晝夜始甦後尋祖訥尸得之負厝一處旋與兄芝秀走京師上其事得卹歸父祖柩葬鄧尉山奉大母及母杜門讀書節義自矢人稱二孝子

李嘉言字聖達由新安徙居青龍鎮性豪雋敦孝義母汪氏目失明嘉言偕妻程氏每夜焚香籲天晨舐之目復瞭世父士彥歿貧不能葬嘉言舁其柩歸葬新安有汪某者貸嘉言金貨於閩浙渡曹娥江舟覆貨盡沒歸欲自經嘉言更貸以

數十緡慰而遣之其急難好義如此子煥字維文燧字先五俱習詩古文為名流所重

汪聯芳字瑞卿祖籍新安幼孤事繼母盡孝人無間言兄早歿撫姪如子同時以孝聞者有沈季文李承恭董振曹世祿諸從禮陳韶徐誥曹恕鄉里皆稱之

呂稷廷禧子克孝孫廷禧諸生早卒母吳矢節教養成立母卒之明年大兵至松稷守母棺不去遇害

國朝蔡象春字震陽性孝友父亡適比鄰火偏父柩象春蹈火救出有貧不能葬者讓地以埋之受人寄財不忘久要舉鄉飲賓

蔣淑字心一縣學生芝霞港人母徐氏事祖姑及姑素以孝聞無疾而逝淑自崑山館聞訃奔喪嘔血數升七日不食知

縣李瑄旌其門曰賢母孝子

案淑同治七年旌

陸從龍字吟尺諸生事父秉道疾三年衣不解帶為鄉黨所稱性沖淡後學隨游者甚眾七上賢書不售無愠色經史及百家言悉手輯之嘗有故人死貧不能具槥從龍倡義殯之并收恤其子其交友敦古道類如此年六十五卒門人私謚曰怡靜先生子祖修別有傳

黃振鳴父思誠明諸生削髮居金山為僧振鳴與弟中孚將所遺田二百畝交讓季弟瓚并為經理俾潛心於學瓚後為婁諸生與韓莖周茂源為文字交

沈儒字稽中諸生居小蒸父必大字鈞化有怨家詣軍門誣以大逆遣吏捕之時方治反獄株繫日數百人吏至盡室惶懼儒挺身出曰我即鈞化也訊時神色不變詞理條暢得釋

父歎曰兒之身我生之我之身兒生之也儒承家學成易詩書四書集解共五十卷而治尚書尤精吳騏序必大有尚書家言六卷倪長圩序

蔡重光字華奕監生德清籍明時分支於休甯甲申之變重光初生父諸生靜之蘇州不歸重光年十三隻身尋父父已死柩寄某寺依柩棲止日出爲人傭積貲買地虎邱葬之旋卜居金澤歲三展父墓一展休甯祖墓至老不衰次子英舉人仕湯溪縣教諭贈如其官

諸懋敏字公遜府學廩生父舜發卒於秦中聞訃奔喪扶襯南歸抵江風作懋敏撫柩呼天願殉江以代風頓息事母病累月不懈其拯荒均編浚吳淞諸事皆身任焉舉鄉飲賓康熙二十年縣府以孝行上於巡鹽御史願行給額獎之

胡閻字中美父體仁早世閻四歲母爲課讀年十一嫡母陳卒哭泣盡禮弱冠補諸生事生母顧庶母倪以孝聞

程化龍字禹門休甯籍父大任見懿行傳化龍少孤事母孝受業王夢求之門康熙九年進士授內閣中書尋以事謫歸兄含文歿於南雄化龍間關兵火訪求骸骨從叔周量兵亂卒官出貲治喪而還聞者重其義焉

王懷奇字玉圃居薛澱湖濱明末盜起懷奇奉母避居朱涇色養兼至母年七十三終弟亡撫孤姪如己子俟其壯析己產與之里有節婦年邁與瞽子相依懷奇時周其乏廿年不倦亦不一語告人子麗天乾隆十三年進士

黃廷瑞字君祥增廣生有文名居西涇灣父師周病牀二載廷瑞敬奉湯藥事必躬親晨夕焚香默籲願以身代孝養母

歸氏不離側待兄弟誠篤康熙十八年學政劉果特舉孝行  
同治八年旌

倪德唯字季曾天性肫摯父君誠性嚴善怒德唯率婦子跪  
陳罪伏俟父意解乃起否則終日不敢食又以母卜殉節逢  
忌日必號慟兄沒年八十有三德唯年已八十憑棺哀號聞  
者感動後裔蕃衍有聲庠序人以爲孝友之報

葉之奇字汝正瀛曾孫五歲喪母哭泣如成人十三喪父慟  
絕復蘇祖父保護之得成立事祖母以孝聞奉季父母如所  
生補縣學生康熙九年大祲出米施粥又作餅餌以給老穉  
之不能就食者十九年水災復倡捐賑救全活無算梁紇浦  
去孔宅數里土人有廟仍其名之奇以爲非禮因相孔宅廟  
左餘地建啟聖祠爲文勒石子承謨字陞陳歲貢生亦勇於

爲善修大成殿起萬壽塔施衣棺立義冢皆盡力爲邑人倡  
孫本見仕績傳

楊世植字仲節生而孝友世父得錮疾目盲世植奉以同居  
生養死喪禮維備及壯補郡學生文章和緩詳贍如其人能  
詩游荆襄後益工子烈縣學生能傳世業

張佐庭業農居黃渡張家村父以仇家誣引坐繫佐庭年十  
二痛父冤時濬吳淞巡撫馬祐閱工過境自橋奮身投江呼  
籲求豁父罪巡撫以年少異之提案覆訊事得白

張用棟字逸九寄籍縣學爲名諸生家浦濱有羣盜夜半入  
弟室毆弟哀號聲徹戶外用棟急披衣持梃躍入是時盜數  
十人鄉人皆莫敢前用棟率兩僕奮擊之盜走弟得免方擊  
盜時背負重傷若罔覺者用棟本儒生以救弟故奮不顧身

後游京師公卿爭倒屣迎以國士相待

孫琮字爾繩縣學生成童父病日夜侍藥餌日不交睫父卒痛哭垂絕奉祖父母色養備至母亡淚血絕粒枕塊寢苫及葬廬墓朝夕悲號墓旁向多蛇虺至是遠遁有慈烏數百棲樹間里黨稱孝知縣張庚舉鄉飲大賓雍正五年旌同時有西鄉縣令王佐字泰卿同人詠歌甚夥其五世孫嘉燧集為錫類嘉言道光時教諭朱衣點表孝子於明倫堂惟琮與佐及陸士達士達字太和康熙七年鄉約所公舉孝行知縣魏球獎之三人皆邑城人更有沈翰李法莊元泰並以孝聞元泰監生蘇州籍遷本邑法字亦古承恭子翰字林士荃弟皆諸生

姜應隆字君甫監生居葑澳塘事親盡孝嘗割股療母妻陸

氏有懿行子璜如字宏璧縣增生幼有至性及長以孝友文學為鄉黨所宗著有養心齋日記子婦顧氏事舅姑亦盡孝道光時兩世俱以孝子孝婦旌

袁載錫字心友其先由華亭遷珠街鎮再遷縣城載錫生而穎異丁父憂執喪三年未嘗見齒喪母亦如之冬日營葬細林山風雪饕虐舟橫莫能牽挽載錫仰天長號瞬息風定比舟抵岸河冰四合他舟皆膠三四日乃解人謂誠孝所致湯文正斌于清端成龍靳文襄輔皆以國士目之康熙四十七年舉人明年考取內閣中書改江都教諭訓諸生黜華崇實揚俗婚喪侈靡因輯條約累千言上之學使者令郡邑勒石垂戒丁祭升歌向用道士載錫募佾舞生使習充之未幾卒官年七十有九載錫後徙揚州次子涵雍正四年舉人孫世

熹乾隆十七年舉人官廣西北流知縣

伍常字又眉弟啟字又東俱縣學生涵賓字又楚貢生世居

崧宅父誠病劇常兄弟相繼割臂肉和藥以進錢德震王日

藻諸人皆為文稱其孝行又有黃朝鼎字調元居諸翟里工

繪事祖母至孝病篤割股作糜以進病隨愈其創痕圍三寸

許同時白鶴江人許臘官黃渡人朱佳官二人皆割股療親

疾許年十五人尤以為難黃渡割股療父母疾者又有吳廷

瑜字光周業買布龐泰字魯瞻皆康熙時人楊若霖乾隆時

人沈巷有汪舜年徐鳳詔亦在康熙乾隆時

張成忠小名勝樂胥涇人操舟為業父病勝於佛前禱祝割

臂肉以進遂瘳踰二十年始歿成忠自父病愈即茹素每歲

治七年

旌

案伍常兄弟暨黃許六人皆同

遍禮名山為父祈壽家雖貧葬祖父盡禮事繼母尤極孝謹  
與弟同居不分財愛弟之子如己出張友誠字復初邑人少  
孤兄奪其產徙他郡為人傭比長求親骸不得號泣去刻木  
像事如生僦居常熟為某觀察廉役以樸謹得小裕旋葬木  
像於虞山王原嘗合書二張孝子傳其言曰二人皆未嘗讀  
書所行非中道然至性所結不可解於心為士君子所不及

案成忠同治七年旌

金世祺字漢翼監生兄歿世祺事嫂如母撫姪如子為姪婚  
娶終身未嘗析產有陝客寄銀數百兩逾期不至閱十六年  
客子來邑世祺訊之客已前卒出銀還子封識宛然幼子潛  
見文苑傳

吳周紘字元服府學生事母至孝家貧館於鄉去家三四里

主人有盛饌輒懷一二嚮走歸奉母主人廉知之每食必具

乾脯焉卒年九十有九門人私謚曰貞孝先生

周鵬翔字遂飛幼時母患目疾將瞽鵬翔以舌舐之得復明

父病夜不假寐躬為滌腴嘗糞踰半年父歿哀毀盡禮母病

刲股以療康熙五十二年知縣洪亮采欲請旌鵬翔固辭卒

年六十八子滕猷字又新乾字又襄俱府學生乾以拔貢官

陝西石泉縣知縣

錢凝九竹工也母死父多病竭力侍奉定省不倦暑扇枕席

冬以身溫被父嗜鮮魚而儉於用隱囑漁者賤其值而私償

之案以上四人皆同治七年旌

張星燦瓢湖人母早卒父娶後妻生二子虐遇之逐居於外

星燦不廢溫清父疾割股以進及沒殯葬之費皆身任之

顧天桂字正鍾府學生以例當得主簿時父志耿年已八十

餘眷戀色養遂不赴選乾隆三十九年父病篤日侍湯藥不

怠逮歿哀毀骨立不一年竟卒天桂篤友愛敦任郵道路橋

梁多所修整又嘗煮粥賑饑里人稱之前於天桂者沈璋字

卓人縣學生侍母疾不解帶者一月及歿日夜哀泣踰月朝

奠一慟而卒門人蔡忠立志其事後於天桂者邵炎字珉高

亦縣學生能詩文有至性妻亡不再娶奉母以孝聞母歿哀

毀不終喪而卒案天桂璋皆同治七年旌

朱修來字懷遠居金澤鎮父紹辰早卒母郭氏守志撫孤家

甚貧修來八歲入塾旦起先擲野薺盈筐和飢粥食之以為

常聞師講孝經至謹身節用以養父母即終身誦述不衰越

二年母患鼻衄頗劇醫言瀟蘆根飲可愈修來急急向鎮東

白蕩灘掘之得數幹方嚴寒冰滑失足墮風浪中飄泊踰數刻幾死遇救蘇裹敗絮送歸微息僅存猶堅握蘆根不釋燂湯沃彊手血漉漉殷盆中蓋水梭所割也長傭買肆無纖毫苟節縮衣食資四十餘年為母請旌建坊案修來同治七年宋來生農家子乾隆丙子歲饑設賑杜村來生甫四齡隨母就食相失為某嫗收養年餘嫗亡為泗涇沈氏所養比長求母不得一日經嫗墓默禱夢荷葉一池有婦人以芋魁餉或謂曰此汝母也覺以語人人曰蓮子涇居民以種荷為業盍往尋之因徧詢得其母方疑信間其姊歸遠曰弟兒時右足有瓦礫傷可徵也既而示之信遂奉母歸

陳文述居東門棣華橋右少孤母岑迫於貧戚黨勸之改適文述泣請留願為小負販養母時年十一也母卒完節文述

能寒堪暑奔走至昏不息一日知縣孫鳳鳴冬巡見文述臥檐下疑為竊也促之起文述跪曰此小人家也小人賣夜點心歸不敢驚母睡暫宿門外不料為翁所見鳳鳴曰此孝子也與教諭王希伊同表其閭文述奉母四十年更力為三弟婚卒葬北門外同治間董和衷揭墓碣焉嘉慶時有丁禹欽亦以孝稱教諭王光燮表其閭禹欽居縣橋南事失傳

蔡馥庭父某緣事遣戍軍臺馥庭年十五隨行抵安西州父染病旋歿時馥庭亦病賴醫者景某周卹之僅得存活思負骨還鄉不果適嘉峪關巡檢謝玉田至安西聞而憐之挈入關給以資斧始得歸葬祖塋隻身步行一萬八百餘里事在

乾隆五十三年後馥庭而尋父山東獲骸骨歸者有蔣世華字綠野唐望蔡孝子詩萬里安西戌投荒一命孱遺孤仍道路當事念痾瘵賴有朱提潤能將白骨還踉蹌逐鈴



馱足蘭  
萬重山

馬良法嘗爲人傭得肥甘必攜歸奉父母後葬親無力覓工作冬月自棹小舟袒臂入水撈石結草兩足踏灰沙使堅比成足上肉盡脫遂不良於行廬墓十餘年卒

胡勳堯字贊唐傳書子傳書官新安知縣由廣東轉饒入都經江西被盜竊行資巡撫陳淮以嫌劾之謫戍張家口勳堯聞日夕飲泣寢食俱廢馳赴江西徧愬大僚不直憤甚奮身至京叩閣訟冤覆案得白中嘉慶十四年進士官國子監學正

呂針榮字玉章國學生早歲喪父母病肝失明晨昏飲膳非針榮侍不權每病針榮必襍被臥牀下聞聲卽興寒暑無間嘗患痢危甚針榮刲股和藥進尋愈母年七旬目忽微明繞

膝孫曾始一一能辨焉族姪廷棟客山左久無耗母老子幼訛傳已死妻衛將以身殉針榮詐爲書言獲厚利明春可歸先寄阿膠若干供母藥餌銀二十兩爲卒歲資屆期果歸詢得狀駭甚旣知必針榮所爲詣詢針榮辭弗任且曰此天賜也天憐汝孝完汝家自後當勿復爾致傷汝母心也廷棟感泣遂奉養終身不出里門云子蘭谷字聖操縣學生幼承庭訓敦行因親老絕意進取授徒終身教人以敦行爲先門下多知名士

程錫萬監生居蟠龍鎮父漢功生子四錫萬最長父好靜錫萬弱冠卽任家事不肯絲毫苟且以遺親憂待諸弟尤極肫摯侍奉庭幃先意承志父素篤友于堂弟聖功早亡常以孤姪爲念錫萬愛卹尤至不啻同胞父病侍疾五閱月未嘗就

枕簟迨歿哀慟致毀卒距父歿僅五十六日錫萬儉而好施嘗徵租佃婦訴貧狀遽取租之半還之父知為心喜其卒也宗族咸惜之

顧德林姚斷村農也父病割股肉和乾肺以進即痊嘉慶十七年冬父又病德林割胸肉無血泣曰豈吾父不起乎熟以進不愈德林大慟死而復生人比之明孝子張榮一董時雍字建修四歲失怙恪遵母訓孝事祖父母家雖貧承歡養志數十年如一日祖父母皆享上壽病侍湯藥歿治喪葬一以身任之有兄久病疝不以相諉也事兄尤篤愛疝發屢瀕於危時雍為奔走求方劑治輒愈獨肩家政俾兄靜養得以延年其至性過人如此子和衷字晴佳諸生敦品勵學引掖後進知縣錢德承贈詩云此心惟喜成人美相見無非

善後詞蓋紀實也次子和襄母病劇割股和藥以進病得痊俱以孝稱

朱以恭字允安諸生與弟漢星相友愛既成室兄弟必同席而食或弟出未歸則鵠立門外命家人作食以待雖至深夜不先食終身如此

董自凡祖蘭父震俱諸生自凡家貧少孤棄書歸農割臂肉以愈祖病人莫知既婚婦指其瘢以詰惟流涕人始知之

董和斗習買父病醫者謂當用人葠時葠價倍蓰和斗積三十金將婚遽市以進病良已既而又病割股肉雜投藥中並奔禱百神不效哀慟感路人族叔時雍亟稱之

案以上六人皆同治七年

旌

陶宏化字雨芳蔡浜人幼習舉業應試不售訓蒙以不合時

宜爲人所棄其後念親未葬不得已屈身爲丐積數年得白金十數兩黠者給罄其囊又丐數年竟得合葬其親

楊三俊字交人居崧宅村自少以孝弟稱道光辛巳舉孝廉方正科不赴試給六品頂戴博通經史授徒至老不倦生平好施與藉束修以行善道光己酉大饑煮粥濟貧甚力歿入郡城孝弟祠

潘聯璧字子白縣學生居鳳溪鎮受業於馬導源嘗校其詩有孝行親疾刲股以治道光時旌朱孝忠居金澤事親有

至性兩次刲股以療父母疾弟早世猶子幼撫養成立同治時旌俱入孝弟祠諸自振亦刲股療母自振居邑城

盛海字迪甫少孤家貧奉母李氏盡孝母病焚香籲天求代未幾母病稍稍愈而海疾作卒年二十有八海習醫以母故

不肯遠出書法端謹如其爲人

陳本居石浦生三月而孤母與祖母撫之成立本自幼孝謹事母凡晨夕侍膳必親奉盤匱色養兼至及卒營葬廬於墓

以有禮稱案本同治九年請旌

吳桂庭質性素樸自號素質家貧嗜學兼好善早孤事母葉氏委曲周至喜效懷橘遺羹諸事母左肱病疽桂庭奉湯藥

勤洗滌二十年無倦色母年九十六卒呼號擗踊欲以身殉距二月亦卒同治十年旌

朱小泉農民也居南門外取與不苟每日奉養必買五十錢肉雖窘未嘗缺道光二十九年大水饘鬻不繼百物昂貴日

猶具三十錢肉奉親俞廷颺稱其孝謂文士所不如汪元祺字諧禧貌古性木訥重固人幼時父被罪流關西少

長每涕泣思親終日若有所失至忘飲食比婚有子聚百金先備酒食告廟誓死生依父不復作歸計別戚族而行時道光二十年二月初十日也至咸豐元年遇恩赦元祺始奉父歸所生子已壯有室矣三代相聚人稱孝子卒年五十有一沈道有詩咏其事

戴高字瞻雲先世由新安遷蔣浦咸豐辛亥舉人同治辛未大挑授教職自幼孝聞於里讀書聰穎為祖母錢氏鍾愛及長治經史有聲為人和而介崇實行不務名與人交無疾言遽色數濟人急惟義自視輒任人不為事自母蘇疾卒後一意奉養祖母衣食寢興在在與家人迭侍左右罔間晨昏祖母年屆九旬卒安亭震川書院同人會文地後高游者談其行皆以為古順孫也姪孫諸生師桂亦以孝聞善書囊術

徐淞字雲莊父病氣喘夜不能眠者半載淞奉侍益勤及母病中風三年起坐不能自主淞未嘗離左右體素魁梧因之瘠立

沈蒙端隨父兆元宦游楚寓居武昌咸豐二年粵賊陷城有賊入沈舍圍及欲殺兆元蒙端乞以身代曰吾父有祖在兒死無妨賊殺蒙端去父乃免時年十六

王紹基詩云孝子沈日蒙端少小去我邑  
隨父遊楚父未官紀歲在王子孝子年十六粵匪犯武昌守陣皆欲哭俄焉雉堞報不守倉皇旅舍促父走賊隊忽已臨圍刃父勢窘孝子巧身代直前驟引頸揮刀血濺肢體殘酷過赤眉一何忍子死父乃生願父勿動兒朝玉京父侍高堂鬢雪盈兒叩蒼蒼早洗兵案蒙端昭忠錄前編補遺列表今移列於此

金乃銚字遠春諸生母夏氏疾嘗割股以療父垣素有肝疾晚年尤甚乃銚小心謹侍二年餘不少懈父歿與兄諸生乃錕友愛甚篤宗族鄉黨交稱之粵匪之亂旋卒章練塘金澤

有陳鏗字一士國學生善侍親疾亦以孝稱

忠義傳

沈友

陸景兄晏

陸辰

曹光遠

曹應符

凌巖

莊肅

蔡廷秀

陸德方

錢皋

錢全袞

張元澄

李逢申

孫士美父訥

趙德遴

吳嘉允

李待問

顧明德

林鍾

施世則

倪允中

麴坊某

諸自涵

王清亮

馮珪盛時逢

蔣汝枚

李時俊

汪嘉孚

沈文彪姪元功

趙福會

汪心澄

王謨弟晴

顧雲鵬弟雲麟

楊祥霖澧

黃傳準

沈維城

王建中

王用儀

栢綸佩

陸剛

邱錫光

范如山思誠

吳鶴齡朱福堂等

邱均昭姪爾鎔

黃德涵沈九官

熊其璜

馬鳳塋

沈有堂蔣文英

孟文興弟武興

陳祥元馬廷和

吳四觀丁文煥

戴全寶

蔣三

漢沈友字子正居沈巷年十一華歆行風俗見而異之因呼曰沈郎可登車語乎友逡巡卻曰君子講好會宴以禮今仁義凌遲聖道漸壞先生銜命將以裨補先王之教整齊風俗而輕脫威儀猶負薪救火無乃更崇其熾乎歆慙曰自桓靈

以來雖多英彥未有幼童若此者弱冠博學貫綜善屬文辭兼好武事又辯於口眾莫與對孫權以禮聘友既至論王霸之畧當時之務權斂容敬焉正色侃侃清議峻厲權知其終不為己用建安九年權大會官寮友有所是非令人扶出謂曰人言卿欲反友曰主上在許有無君之心者可謂非反乎遂殺之時年二十九

吳陸景字士仁抗次子母張承女諸葛恪外甥坐累死景少為祖母所育祖母亡心喪三年以尚公主拜騎都尉封毗陵侯抗卒與兄晏及弟元機雲分領抗兵晏襲爵後為裨將軍夷道監景為裨將軍中夏督天紀四年晉軍伐吳二月壬戌晏為王濬別軍所殺癸亥景亦遇害景澡身好學著書數十篇

唐陸展字祥文本名允迪光啟二年僖宗在興元舉進士第一進翰林院學士中書舍人屬辭敏速與宗人希載文才重德名冠一時累為尚書左丞封嘉興縣男徙戶部侍郎同中書門下平章事以諫伐鳳翔貶峽州刺史久之授工部尚書從帝自華州還復當國封吳郡公天復初授吏部尚書朱全忠謀去朝廷清流貶展濮州司戶參軍殺之於白馬驛年五十九

按展載雲間志進士題名且言續之孫曰贊曰展據之列入

宋曹光遠號東洲居小蒸父附鳳青龍鎮稅務光遠性放曠登咸淳五年進士補迪功郎發運使趙與簞辟監華豐莊改軍器監簿宋亡衣冠不改人稱大頭巾相公云

案王志表作咸淳己巳進

士己巳係五年而傳作淳祐七年進士魏志表作咸淳丁未而不云進士傳作丁未進士而不云咸淳俱有誤宋府志作咸淳五年進士從縣志表也今仍府志

曹應符字泰叔澤之子澤之別有傳應符謹身飭行為鄉里推重咸淳初兩領鄉薦十年登進士第授迪功郎衢州司戶參軍會宋亡遂隱不仕

凌巖字山英少習舉業宋亡隱居九峯中撫時感事一寓於詩鏘鳴秀拔有大歷之風

莊肅字恭叔居青龍鎮仕宋為秘書院小史宋亡棄官歸性嗜書聚書至八萬卷多手鈔者經史子集靡所不具書日以甲乙分十門元至正間修宋遼金三史命危素求書於其家得五百卷

元蔡廷秀字君美居趙屯由郡諸生試吏調江陰累陞浙省理問所知事袁州推官中書左丞烏古孫良楨薦擢江西省檢校命下已遇害初袁州守將計殺土豪其餘黨匿山谷者

導斬寇陷袁廷秀被執三日口不絕罵死平生博學器識沈毅儒先德皆友重焉

案廷秀松人居趙屯見王逢梧谿集

陸德方字顯叔至正二年鄉貢授般陽路學正未幾掛冠歸

時平章河南沈照避地海鹽之甘泉鄉德方傭書其家俄與談經史論時政照大驚詢知所自以女妻之明初以逋臣薦

不赴

錢皋吳越王鏐裔孫居小萊通經史習騎射以義俠聞盜壓境皋召鄉卒捍於松江之陰鄉人賴以安又以白衣參贊越

帥却寇活遺黎數萬晚年結茅屋名純白窩居以學道楊維禎為之記

案皋疑即鶴皋純白窩記或以思諱而減其二名為一云

錢全袞字慶餘亦吳越王後祖福宋承務郎自錢塘徙居華亭全袞通涉書史善隸書精於醫天性恬厚好禮尚義至正

間松江達魯花赤密里沙舉爲從事省符民訟多見咨訪人藉以無冤張士誠據吳淞不臣客有語及者方飯怒以箸築案案爲之穿或諷以仕答曰身爲小吏不能手刃逆賊忍事之耶卽有脅者谷陽水甚清吾死所耳隱於盤龍江樹桑號綾錦墩自號東吳散人明初卒年八十餘子徵洪武初舉秀才官德州判爲政有聲

明張元澄字靜夫宏治十七年舉人以能書薦詔修孝宗實錄入中書劉瑾遣小奄索書不與尋補南昌府通判宸濠反元澄不屈榜之百幾斃羈儀衛司及王守仁平賊諸從逆悉論罪元澄獨奏加三級旋丁內艱赴聞乞銘途次卒元澄楷書逼二沈草法與張弼齊名高麗人爭購其書畫子德讓自有傳

李逢申字延之萬厯四十七年進士授浙江慈谿縣知縣失闈黨意降爲丞丁母憂服闋補上林苑監丞遷工部主事甫三月封事九上劾兵部尙書梁廷棟誤國不報會軍興驗試火器廷棟中以危法論戍澈浦長子雯走京師訟冤章上報罷雯九歲弟又伏闕上書事得白召爲刑部主事轉工部郎五上疏論時政時流寇已據秦晉逢申疏請出空名告身與廷臣分募三輔豪傑衛京師不從甲申三月賊陷京師被執不屈身受五毒自經死

孫士美字公燾本姓朱太常卿奎之後祖出繼孫遂以孫顯登天啟元年鄉榜授舒城教諭崇禎八年春流寇犯舒城令以他事出土美代守七十餘日城賴以全擢知深州十一年冬大兵至力守三日城破題詩蕪萸亭望闕再拜引刃自



到於城上父訥字敏甫仕天策衛經歷就養縣署時年七十餘不屈死之一家從死者十三人長子芝秀擊登聞鼓陳祖父死難狀贈太僕寺少卿訥亦被旌 國朝乾隆四十一年

芝秀今從王光承孫公墓志銘

案士美上海籍明史作青浦人長子芝秀舊志作孫

趙德遴字公銓上虞諸生因事避金澤黃近疇器之延課其子遂冒姓黃以儒士中天啟四年舉人知四川東鄉縣捍流賊屢有功宏光元年六月張獻忠遣劉文秀分掠川東賊至德遴率練勇拒守閱月七月十二日縣役童二麻應賊賊穴地道入德遴投井死家人八人同死於井 國朝乾隆中

賜諡節愍東鄉人立祠祀之榜曰趙公祠井尚存 案勝朝殉節諸臣錄

作崇禎十七年今從吳省欽白華前稿趙公傳乙酉稱宏光年號遵通鑑輯覽也八人錄作十七人今亦從傳又案趙公

東鄉有祠而本邑尚未入忠義祠此祀典之有待請增者

吳嘉允字君錫華亭人天啟四年與弟楨同舉於鄉尙氣誼有才畧福王時薦授戶部山西司主事擢員外郎當南京陷時嘉允已奉使出都聞變亟還至雨花臺謁方孝孺祠投繯死年七十六將死諭家奴弗救並屬寺僧旣縊呼僧僧疑其悔也前則曰樹枝拂冠翅為我整之其從容如此乾隆四十四一年 賜諡節愍楨初名天允字永錫縣學選貢生崇禎四

年進士官編修 按吳節愍郭府志表作青浦學北監今據補

李待問字存我華亭人崇禎十六年進士授中書舍人工文章精書法沈猶龍舉事待問守城東門城破將下城百戶某詰之待問曰臣死忠常事也吾第與家人一訣耳百戶曰君如此吾先斷頭以待即拔刀自刎死待問憑尸而哭倉卒抵

家少妾挽衣雨泣眾爭勸之逃待問笑曰死吾分也且不死何以對此老兵即引繩自縊氣未絕而追者至遂遇害乾隆

四十一年

賜諡忠節

案前志例云通志作邑人今補

顧明德原名檢德字文所崇德縣諸生好吟詠與幾社諸人相倡和崇禎甲申聞國變痛哭絕粒死陳子龍有輓顧文所詩

林鍾字歸曉隱居獨善跬步必以正國變後絕食時年八十矣家人環跪請少進茗飲後知雜以葷遂絕飲未幾卒

施世則字仲倫府學生有文譽王夢求嘗從之學甲申後棄諸生放情詩酒自號山樵子居七寶鎮坐臥一小閣擁書千

卷時浮大白或哭或笑長吟短詠以為常詩名陀顏閣集倪允中字端甫幼穎異讀書通大義既長有膂力能兩手各

握五百斤物行數百步里中惡少年憚之性孝棄儒習賈累致千金奉父母任俠輕財與蔡長為莫逆交乙酉城破允中與長督所部巷戰突圍出東門長欲入海招允中允中歎曰吾力竭矣吾有二老在未敢遽以身殉也遂隱居浦之斜涇幅巾方袍教授生徒以老

麪坊某高橋下店夥也多膂力鼎革時大兵至青降將假旗兵威頗橫方整隊入城卒槍死一小兒某怒取切麪刀殺

兵一隊跳而逸大索莫獲不知所終或云某丹陽人國朝諸自涵字錦孫自穀胞弟邑武生多膂力能關九石弓

左右射又好刑名書幕遊楚蜀豫粵旋受韓城強克捷聘至滑縣署嘉慶十八年林清作亂糾河南李文成牛亮臣等約

期滋事自涵偵知之密告克捷統兵拏獲首犯餘黨馮克善

糾眾劫獄克捷殉節賊恨自涵搜索更力自涵已單騎出遇於巷手刃賊三四眾寡不敵被執脅以降大罵賊斫兩腕皆絕猶罵不絕口遂遇害二十年二月奉 旨強克捷賜諡忠烈并着滑縣韓城建立專祠與難之青浦諸自涵等俱從祀王清亮字慕葛錫景子官河南南陽縣典史鋤豪強扶良善歲饑煮粥活饑民築南關白河石壩建板橋以便行旅獄囚疫每晨親至獄中延醫療治南陽俗幼孩將死父母舉刀斫之謂惡其再來索債也清亮請邑令嚴禁俗遂革復收拋棄死孩置塚埋之性恬淡不喜迎合上官嘗顏其齋曰養定居鄉感慨時事著有潰癰流毒正續編與婁縣姚椿同邑何其超為同志咸豐十一年五月賊陷郡邑遂悲憤不食作絕命詩一章沐浴衣冠望 闕叩首仰藥而死年七十有三事聞

賜卹如例

馮珪字介侯監生居黃渡鎮世服賈珪性豪邁喜與士大夫遊輕財好義貧者輒周卹之咸豐三年周立春構亂珪倡舉義團扞衛鄉里以獲逆黨功給布政司理問銜十年夏佐縣丞陳鏐防堵吳淞賊陷青浦珪與鏐子旭初誓死滅賊及府城克復賊大股北竄珪率數千人迎擊至郊店青山廟沈家橋與賊相持珪渡河掩擊義民從之賊為披靡既而伏賊起橋圯賊四面圍之遂大敗珪與旭初皆戰歿同時監生盛時逢舞雙刀陷陣多所斬獲翼日復戰義民多被殺傷時逢中槍死

蔣汝枚字拜庚諸生居蔣家行周立春之亂以義團有功議敘七品粵匪陷蘇常汝枚謂友張渭章樹福曰我輩讀聖賢

書義不受辱與諸君約儻遇不測蹈吳淞死耳及邑城陷汝  
 枚仍舉義團仿保甲法家出一丁十日一訓練晝夜巡緝拒  
 賊閱月餘賊眾突至民團潰汝枚誓死不去賊脅之降枚抗  
 顏責以大義賊瞠目不解所謂脅之益力遂厲聲罵賊而死  
 明日獲其屍於水次汝枚敦勵名節交游多豪俊治經喜援  
 證古義已酉水災濟宗族之貧者瘞族人之不能葬者二十  
 餘棺方賊將至時友人章亦忠病歿里巷虛無人汝枚求櫬  
 斂埋之其篤友誼又如此

李時俊號吟漁歲貢生東六圖人在崑邑安亭鎮遇賊不屈  
 以杖擊賊被賊斷臂死

汪嘉孚號小亭居邑城歲貢父國瑞 恩貢生有學行所著  
 見藝文嘉孚稟庭訓狷介自持教徒有法避亂蟠龍鎮遇賊

不屈投蟠龍塘死

沈文彪字子瀛增生授徒南滙移家居郭家宅咸豐十一年  
 二月二十一日賊猝至文彪不屈受刃妻張氏以身覆之皆  
 被害賊沈屍於河越數日子元榮元祺求其屍而斂之二人  
 抱持牢固潮汐動盪不易其處文彪敦品力學人謂其見危  
 授命蓋養之有素云明年姪元功亦遇賊被害

趙福畬字新田諸生逢源姪福畬為人謹飭畏見要人常杜  
 門不出避難程河涇村舍憂憤無聊時時擊案叱嗟十一年  
 二月賊至遂自沈於河

汪心澄字若水諸生居重古鎮為人跡弛不矜細行工隸書  
 善寫蘭尤長於古詩及駢體文人譽其能輒笑曰讀書當明  
 大義雕蟲篆刻豈壯夫所為哉城陷後賊至鎮大掠眾皆散

去心澄猶在劉猛將廟前擊鼓呼殺賊賊檢其身得義團名冊知為團總大怒支解之懸其首於廟門

王謨字能如諸生居重古鎮性狷介操行方嚴工詩文弟疇學於兄兄弟相友愛也賊擾及鎮避戴墳巷旁尋遇賊賊意其能書脅之降兄弟皆罵之賊怒結兩人髮曳至天福庵橋途中逃難者聞其罵聲不絕先殺謨復脅疇疇曰勿相強早隨兄死幸耳大罵賊又殺之

顧雲鵬監生弟雲麟從九品銜吳兆熊武生賊踞郡邑城踰十日官兵克復郡城賊大股西竄三人隨同北簞山汛外委祝應奎督率民團萬餘於廣富林等處截擊殺賊越三日又於天聖莊等處追擊之賊東竄北簞山六月朔分竄東南三人復同官紳督義民擊退至上江涇隔河相持義民渡河橋

驟坼墮水死者數百人是時雲麟已先至北岸力戰陣亡雲鵬兆熊等守南岸併力抵拒賊不得南遂北竄嘉定繼賊大

股由天馬山衝至廣富林又卻之後賊至益眾民團不能守廣富林大營亦失守雲鵬兆熊俱戰死賊焚兆熊尸

范祥霖字嘉和諸生范家灘人慷慨激昂有古烈士風嘗修廣富林雙忠祠邑城陷後官兵屢攻城祥霖輒助餉率民團

從咸豐十一年春賊犯廣富林祥霖隨同參將李恆嵩拒之鏖戰三日賊退同治元年正月賊又至祥霖受傷歸卒同時

有州同銜楊澧號蘭君劉夏六圖人練勇殺賊曾擒賊日胡銀龍解上海後隨官軍攻城力竭受傷歸嘔血卒

黃傳準字品卿居邑城南歷署沔陽州吏目黃陂縣巡檢長樂縣縣丞時粵逆鳴張道路梗阻寓武昌鄉間偕紳士團練

防守咸豐十一年四月賊犯陽邏驛傳準率練丁奮戰力竭被擒猶戟手大罵賊怒支解之年五十有七其妾劉氏偕所生一女投井死

沈維城從九品銜賊陷邑城鄉鎮猶多團練奉大吏檄協力防勦為恢復計十一年二月初各鄉團董率義民連日轉戰生擒偽官徐大湖等兵威頗振維城及軍功許子蘭為後應率鄉民驅逐偽卡守賊抵嘉定城下賊出拒戰維城等奮身越濠舉旗殪其醜旋敗退維城力戰陣亡

王建中監生成豐十年陸家巷土匪張方嘯聚肆掠建中密擒方解黃渡團練局置之法餘黨乃散及青嘉二城陷賊徧設偽局建中率民團數百勦除殆盡賊入城不敢出後亡命至上海同治元年七月官軍克青浦建中歸議攻勦嘉定賊

為張方餘黨偵知被賊所害

案昭忠錄傳建中後有吳達達係婁縣人故不列

王用儀號仲卿武生議敘把總咸豐初用儀以防勦有勞給六品頂戴十年奉母避難邱家灣六月賊至會母病不及避乃以板蔽母牀操利刃待賊賊入斫之連斫三人羣賊厲至遂遇害

柏綸佩監生成豐十一年二月集義民截擊偽局賊殺其酋偽伸天侯黃長盛生擒數十人奪馬十三匹上海令劉郁膏賞給六品功牌賊黨銜之乘夜圍其居擒至城中磔死陸剛字鈍卿諸生居珠街鎮賊掠鎮時以侍母不及避賊擄之不從受數刃不死母憐之揮之去遂被擄至蘇州閭門與佃人沈國祥同處無何母沒於家同治元年鄰人有擄至蘇州者告之剛大慟曰吾所以不死者以老母在也今母死惟

以一死明志耳明日遂縊城樓死

邱錫光福建縣丞煥子小汾涇人讀書明大義賊掠東鄉被擄入城與嘉定諸葛椿矢志殺賊受約者五百人已與椿爲內應兩致密書於團董胡履吉不得達繼錫光縊城出請兵於知縣廖秩瑋參將李恆嵩未至而謀泄椿遇害與約者多死錫光哭之慟曰吾負死友矣感憤鬱鬱卒而目不瞑

范如山思誠兄弟也賊撲泗涇如山謂其弟曰吾與爾無家累當禦賊以保一鄉遂同七寶鎮團勇奮力迎敵一日團勇潰兄弟皆不返同里異之相與語曰矯矯如二范丈夫也死耶逃耶抑陷賊而降耶言未已忽有二屍浮於里居之蒲漚塘隣人曰嘻是二范也釀金殮之

吳鶴齡與柏效忠等請火器於都司曾守忠督率義團保衛

村里賊屢至輒擊卻之同治元年二月賊焚泥潭村撲全順龔家莊槍船數十絡繹而至鶴齡與效忠等守岸口遇賊卽殺船不敢近岸忽火藥失火眾驚亂賊乘間登岸二人猶死拒賊蟻集遂遇害效忠死尤慘同時朱福堂有生秀芳吳秀昌任懷清陸茂森等皆戰歿於泥潭村

邱均昭居邑東門內思燕孫咸豐十年五月二十八日晨集義民擊賊於山涇殺數人獲其軍械日亭午賊益眾敗回金潭涇賊追之還拒被七創晡時中鎗洞胸大呼殺賊數聲而死越二年從子爾鏘五月八日遇賊於郡城生生橋賊以刃脅降爾鏘呼曰邱某豈從賊者且哭且罵亦遇害

黃德涵衣冠罵賊不屈死金澤人年八十三沈有堂遇賊於腰涇脅降不從被殺有堂弟九信憤怒操刀擊賊曰吾不與

賊俱生也亦被害

熊其璜居小西門外城陷爲賊所擄逼書僞示其璜大書咸豐年號賊大怒遂遇害

馬鳳塋賊犯北簞山鳳塋從諸翟巡檢黃趙璧拒賊身被數創猶大罵追擊至西泖橋被擒斷喉而死

蔣文英丁文煥居邑之來蘇門外比鄰也木訥無文學硜硜與世俗迕人以二鈍目之因以鈍自號文英爲村夫子以養母亂時奉母避難蔣墩一日母戀家具走歸忽報賊將至文英追母道遇賊牽之去不動鞭之遂大罵賊怒爭殺之文煥爲人典管鑰數年無分毫私亂作挈妻子逃居半載食盡瀕於死矣僞官張三歧券之錢將致之僞局使至文煥大呼曰丁鈍肯從賊耶去去越數日竟餓死當時佻巧者多從賊而

二人獨死

孟文興弟武興東湖村人賊至文興佯狂於路賊使操舟從之賊登岸畱者止三四人文興奪刀斃二賊餘逃去納刀匿涼亭下賊搜得之遂被害武興聞兄死日夜飲泣思報仇一日賊又至擄至嘉興城越三日夜賊眾出掠武興懷刀入僞館欲殺其酋賊黨呼止之搜獲衣中刀亦被害

陳祥元素有膽畧執田器拒賊眾潰爲賊所擒脅之降不從磔死於泗涇中市橋下又馬廷和亦於是日率眾擊賊至曾家橋賊蟻集截其腰而死呂樸齋七寶人嘗拒賊於曾家橋賊不敢至七寶踰月賊至與廷和同時被害

吳四信九苞子年四歲賊至泥潭村殺其母四信號哭不止賊好言撫之攜之去四信罵曰長毛賊何害吾母賊怒殺之



梓人戴全寶羊家涇人運斤以左手善度材性慷慨有節概  
 遇賊大罵被戕死  
 蔣三為崑山縣小田圩湯氏傭工同治元年八月十一日賊  
 眾過境剽掠三率眾出鬪力竭被戕既死面如生所持器械  
 猶在手

忠義表

紳士

民人

民人

咸豐  
五月

王清亮

河南南陽  
縣典史有傳

沈可權

文章不  
屈河死

周小弟

拒賊小  
被執害

方功顯

監生罵  
賊被害

何後醇

文章不  
屈焚死

張禮宗

賊自刎  
罵賊自縊

方蘭晉

監生投  
河被刺死

蔣文英

文章有  
傳焚死

張炳榮

並投河死

唐標

武生力  
竭率勇

馬鳳莖

有傳

張殿文

並投河死

陣亡

有傳

自縊

汪萬泉

監生

邱均昭

並團丁  
擊賊香花橋

徐福林

並不屈  
投河死

陳又帆

生員並  
投河死

任雙金

被執不  
屈死

王德昌

水死赴  
廣富

沈洪達

六品軍  
功拒賊陣亡

張榮

擊賊青  
山陣亡

王福堂

擊賊廣  
富陣亡

朱毛

倪增壽

繆天桂

洪土

朱忠

陳麟

高五

陳青照

韓子湘

張玉成

戴厚齋

徐友祥

吳壽

並罵賊  
被害

被罵罵  
賊死

並罵賊  
被殺

並罵賊  
被殺

並罵賊  
被殺

顧桂金	顧裁源	宋小	沈鴻茂	沈德盛	周二新	周松林	莊海	方照	王六芳	張玉	毛大
<small>並北箬山陣亡</small>											

慕義正	趙咸	趙金	趙和	周文園	張春和	張顯明	張友梅	姚象坤	潘長	孫寶春	孫寶泰

蔣文彥	李明	陳祥元	楊世賢	陸樹山	唐睦	王玉	張毛土	陳經	吳咸中	徐炳壽	沈星
<small>並拒賊陣亡</small>				<small>拒賊被大生</small>	<small>並殺賊陣亡</small>						<small>拒賊諸翟陣亡</small>

蔡瑞	顧小	趙五	王大孫	陳友楣	陳錫山	陳紀堂	吳樸堂	朱咸春	陸茂春	蔡龍	傅六
									<small>並不屈被害</small>		

包照	包大	包二	包三	朱綬年	陳松年	陶含歡	張樂三	張大年	宋德源	黃傳璵
伯母周氏	並不屈	被害	守父喪不	去賊至被	殺	母王氏同	投學潭死	並不屈	被害	去賊至被
蔡虎	盛懷清	盛雲爛	陸瑞南	葉關七	戴寅谷	徐醴泉	顧全裕	戴壽卿	金曙初	金四
懷清子	並被害	絕食死	招房書	並被害	吏被害	並被害	並被害	並被害	並被害	並被害

六月

王謨	汪心澄	陸剛	張秉仁	馮珪	何昌銀	王疇	吳玉臺	王誼	朱友巖	陶應歡
生員有傳	生員有傳	生員有傳	生員有傳	生員有傳	文童被	文童附	文童並罵	文童並罵	文童並罵	伯母周氏
謝庭玉	王順	王松泉	李坤成	董亨達	江照	徐金	吳大年	陳喜生	陳小四	王小大
並不屈	並投水死	並投水死	並投水死	被焚死						

顧雲麟 品議敘從九

張大受 團長

王用儀 六品軍功

殷應龍 團勇並青

盛時逢 有武生

徐穆

沈福祥 避難於父

陶葆元

張文圃 竟免父

張善

王殿芳

王全

周龍

李振海

李長生

李金

戴毛

曹南

鄭金海

張金

陸立

李三和

趙松齡

胡飛

管福全

程全

吳大

榮並拒賊打

並殺賊青  
山廟陣亡  
勇丁嘉定  
復陷守城  
接仗

率眾擊賊  
死於山被  
醢

並拒賊剽  
店鎮陣亡

忠義表

沈東

並團勇隨  
團董馮珪  
勦賊北箬  
山陣亡

錢江海  
張仁山

徐希言

朱安慮

胡全

陳秀中

陳榮

趙榮秀

趙虎

沈嘉和

沈國春

沈明

張在

汪天榮

吳萬榮

吳宗俊

徐顯廷

朱崎

孫玉

楊德榮

楊奉珍

並殺賊

陣亡楊家  
禦賊死一  
棟擊賊大

賊擊大  
至被

並投河死

並投河死

德榮子並  
不屈投河

沈肖耆

盛山

陸德昌

徐和海

徐榮華

徐中秀

朱心

胡榮

屠金海

吳炎忠

吳秀海

吳和尙

並拒賊北  
箬山陣亡

沙耀坤

何吉孫

張旭照

王甫榮

黃貽典

唐萬年

平寶

蔣春芳

朱璧珊

朱顯本

吳棟

死

受傷投  
河死

閉門罵賊  
被焚死

並罵賊

並罵賊

並罵賊

並罵賊

並罵賊

並罵賊

並罵賊

並罵賊

並罵賊

人物

潘	潘	潘	孫	陳	陳	柴	倪	倪	吳	吳
土	慶	庚	海	小	瑞	四	胖	毛	肇	肇
	元	福	和	海	珍			金	達	榮

夏	李	李	程	唐	黃	黃	王	張	張	茅	陳
揚	受	萬	政	雲	小	大	三	曉	根	接	芳
坤	書	年	和	祥	中			峯	生	三	榮

小大姪

一作少臺

一作恭斐

並不屈  
被害

張	張	張	楊	毛	高	曹	包	姚	錢	錢
龍	小	小	大	小	忠	炳	國	會	銀	玉
海	喬		坤			成	春	明	河	龍

蔣	曹	郁	陸	陸	陸	陸	陸	計	顧	顧
英	虎	蘭	如	才	敘	恭	寅	克	顯	少
豪		田	金	榮	金	斐	谷	成	明	談

張	張	張	張	張	王	王	唐	汪	汪
棣	大	桂	在	玉	大	玉	木	燦	香
枝	椿	生	根	龍	生	龍		榮	和
四		五							

陸	梁	李	馮	朱	朱	吳	俞	陳	張	王	李
廷	敦	碧	三	如	三	梅	紹	長	耕	紀	柳
棟	信	香	三	星	三	坪	昌	庚	生	千	溪
並		並									
從		被									
死		執									
脅		死									

丁	丁	周	周	董	董	李	許	許	趙	趙	蔣
星	還	銀	銀	小	小	五	惠	惠	松	松	文
	茂	寶	寶	弟	弟		南	南	林	林	秀

顧	盛	陸	陸	李	李	李	李	李	呂	李	馬	沈
德	庸	文	文	百	小	有	世	世	文	海	廷	鴻
寶	岡	海	海	年	大	聲	仁	仁	彬	海	和	泉
											附	
											傳	
				並								
				被								
				害								

蔣薪傳

沈木

沈星

沈還

范家珍

顧德三

陸文

陸在鎔

葛和

朱義

馬小

蔡貴

顧榮

顧三林

顧春和

顧成

顧奎

慕明達

戴耕

陸契堂

駱永

戚咸

郭世榮

郭耀琨

徐希賢

王二桂

朱季煊

湯立賢

劉應騏

周新

金榮春

龔根

徐紹緒

朱和

朱時

馮福

龍彭

陳錫元

干增

田文謨

曹炳

曹鶴鳴

曹玉珍

高勝五

毛景山

張藝齋

張松年

邀鄰人擊賊追至上江涇中鎗死拒賊陣亡

並不屈被害

並拒賊上江涇陣亡

並拒賊陣亡  
並投水死



七月

蔣汝枚

增生有傳  
生員被害

陳作楫

監生

潘燦英

監生

馬祥春

監生並不  
屈被害

馬福之

朱咸

朱金

朱巧

陳祥

陳繼堂

陳景祥

潘廣元

朱贊君

並拒賊  
陣亡

文童舊居  
崑山

村賊至被  
執不屈投

湖死寄居  
文產

崑山  
村被執罵

諸靜安

王恩照

王桂元

唐關通

唐六

唐金

程士獻

董振海

顧鳳鳴

並拒賊  
陣亡

賊令引路  
不從被殺

子榮保見  
父被殺投

河死  
罵賊被害

朱洪泉

潘舜雲

監生被執  
不屈中鎗  
死

吳旭初

率勇拒賊  
打鐵橋陣  
亡

劉寶林

拒賊打鐵  
橋陣亡

黃五寶

陸思濤

陸南寶

葉瑞南

並拒賊諸  
翟力竭陣  
亡

秦嵩齡

秦嵩壽

秦金

陳五

嵩壽子並  
赴水死

陳武

張坤心

周德明

姜廷裕

李福隆

李心華

許其芳

許稷寶

浦德慶

鮑鳴九

顧榮華

朱緩

一作稷王

並不屈  
被害

不屈投  
河死

忠義表

陳松林 同子和尙 劉玉芳 被執不屈死

陳維松 維松弟 陳二寶 同子大官 並被害

王福基 維松弟 顧茂芳 同子大官 並被害

趙會祖 葉槐銓 中銓死 潘吉瑜 投水死

顧維楨 並不屈 張庚觀 投淞塘死

喻寶金 並不屈 顧連元

高南 子一作經南 陸全章

高金 子一作教不 朱榮業

盛時龍 遇害同 陳學淵 陳星

范如山 文童投 金鳳池

范思誠 並拒賊陣 李心田

顧大信 亡合傳 馬元傑 並不屈 被害

曾碧溪 並投河死

柏金和 並投河死

丁玉宣 不屈被害

王珍福 一作福珍 趙繼綱 並不屈 被害

高五 被害 郭金坤 並不屈 被害

陸梅舫 武童率勇 陳兆隆

潘紹榮 不屈 姚如金

唐松年 家灣死 楊春塘

姚士模 許子芳

董亨烈 監生並 吳兆熊 武生附顧

周文達 監生 顧雲鵬 監生有傳

許德標 武生不 姚士模

青浦縣志 卷二十一 人物

忠義表

姚德成 均罵賊 文童被害

姚近山 被魯不從 焚死一作

呂鏞 被魯不從 焚死一作

姜四 絕食死 被魯不從

黃國瑞 被魯自 縊死赴

李樾 水死赴 剖腹死

周大新 有傳 隨上海陳

丁文煥 有傳 隨上海陳

浦士 常拒賊法 陣亡

陳寶生 華諸翟 陣亡

趙成敘 均不屈 被害

許小春 均不屈 被害

許源福 一作福源 均不屈

金海 均不屈 被害

王在廷 均被害 並不屈

月十一 倪 璨 從九品銜 不屈被害

月十二 柴兆清 監生一作 文童不屈 被害元年

許燕元 並不屈 被害

陳金 被執不 屈死

陳小文 均被害

宋元陞 均被害

蔡震銘 並不屈 被害

汪蘊珍 並被害

許嘉生 並被害

顧廷璋 不屈被害

陳子甫

姚仕雲

金士明

蔡金和

陸木

陳和尙 並赴水死

陸木 均拒賊 陣亡

陳和尙 並赴水死

陸銳 並赴水死

汪介孚 罵賊被 焚死

程和上 拒賊陣亡

陸佩仙 不屈被 焚死

陳冕 文童被 逼赴水死

陳寶桂 文童被 執罵賊

洪亦青 文童被 害髮

蔡桂墀 文童被 害髮

趙福畬 生員有 傳

沈維城 從九品 銜贈鹽運司

徐增 議敘九 品銜不屈

徐增 議敘九 品銜不屈

徐增 議敘九 品銜不屈

徐增 議敘九 品銜不屈

十一月 龔良牧 賊被 害

二月 趙福畬 生員有 傳

沈維城 從九品 銜贈鹽運司

徐增 議敘九 品銜不屈

徐增 議敘九 品銜不屈

徐增 議敘九 品銜不屈

徐增 議敘九 品銜不屈

忠義表

張震 品銜被從九

柏綸 監生有軍功

張其忠 腹死生剖賊

錢松 武生拒賊陣

許文煜 監生不害

陸沅 文童並不

朱寶金

吳中華

吳德華

盧榮周

盧書成

陳廷樹

陳載廷

張樹林

張其木

王其

王德金

殷二 均拒賊大

趙永昌 高橋陣亡

龔洪海 山賊北簞

龔和 拒賊陣亡

陸榮 拒賊陣亡

王肖毅 拒賊陣亡

韓貴 率團擊賊

楊鳳山 並團勇殺賊陣亡

楊鶴山 並團勇殺賊陣亡

諸世美

朱玉田

朱炳銓

王掌

王金和

周金虎

沈士明

沈金

沈三

沈和德

陸攏

江還

施福德

一團勇拒龍並  
香花橋

吳勝足

陳國祥

陳如林

殷沐

殷和尙

孫世昌

錢義

錢根

陶龍

陶聖章

曹金平

徐春	徐奎	徐錦芳	朱全	朱錦川	朱金虎	胡基虎	胡照	倪海和	倪和尙	陳大和	陳小和
----	----	-----	----	-----	-----	-----	----	-----	-----	-----	-----

高和	何聖章	章雙全	張小寶	張德基	王玉田	黃位	程日昌	凌虎	周聖荃	金半山	李茂春
----	-----	-----	-----	-----	-----	----	-----	----	-----	-----	-----

陳虎泉	袁松	錢金	錢木	錢桂	錢達夫	全義	姚義大	曹全	楊福增	楊全	楊虎
-----	----	----	----	----	-----	----	-----	----	-----	----	----

李蘭田	許秉榮	趙純瑞	沈妙	沈松	陸金	陸全	陸大昌	屈會	屈虎	薛福綏	陳昌
-----	-----	-----	----	----	----	----	-----	----	----	-----	----

一作福珍

一作松年

陳昌 在團練局 手刃二賊

張壽	張炳文	張海	張錦祥	張樹本	張四和	王六	王松	王滿	王虎臣	王金	王四和
----	-----	----	-----	-----	-----	----	----	----	-----	----	-----

陳喜	黃尙禮	姚吟香	韓大寶	金四	沈義	韓桂	錢惟德	馬廷榮	徐樹楨	朱遇春
被鬻 割死 擊賊被害	格鬪死	救父被害	同幼弟新	並投河死	不屈被拷	擄投河死	並罵賊	並罵賊		

唐弟	唐肖模	唐正元	唐坤	唐狀	劉茂松	周效先	周照	周勝金	周土	周明	邱小金
----	-----	-----	----	----	-----	-----	----	-----	----	----	-----

陳玉田	陳松	孫巽坤	姚坤	姚世傑	姚斌	陶文學	陶大和	陶德龍	王毓	王宗	王玉
-----	----	-----	----	-----	----	-----	-----	-----	----	----	----

邱掌 金茂 嚴桂 史和 史全 尹六 尹根 尹七 趙炎 沈百年 沈龍 沈長生

莊海 唐鳳林 周方 董錦林 沈玉亭 沈恂庵 陸喜 陸和 郭震昌 丁小兌 陳咸照 施萬

一作芳

並不屈 被害不 從死不 屈死不

宋和尙 顧百年 顧元 顧鳳儀 顧兌 蔡會南 邵掌 陸友 陸萬年 郁廷選 駱喜 柏位庭

朱穆 陳大 陳海和 錢寶 喬大順 喬元 王榮 方子雲 汪安榮 凌天來 周士希 嚴鳳芳

人物

忠義

忠義表

葉全 並拒賊香

葉成銓 花橋陣亡

陳錦榮

陳學三

丁德昌 並團勇拒

傅湘帆 賊香花橋

朱嘉緒 被執不屈

朱關坪 擊賊重固

吳大 北塘橋陣

嚴振麟

許鳳三

趙錦榮

夏勝芳

沈茂榮

范和尚

顧茂

鄭吉甫

廖土

陸虎

陸壽龍 並被害

朱茂中

姚寶和

張德

張榮

金土

董玉田

董育

馬關

范永堂

盛坤歧

盛燦田 並拒賊重

徐秀玉 固鎮陣亡

柏文熙 被焚死

余小四

姚全

高大順

楊保齡

楊榮昌

王永生

王秀明

王耀章

顧福珍 並不屈

王和孝

王四 並拒賊

蔡榮緒 陣亡



三月

陳友梅

薛福書

並不屈  
被害  
投河死

韓阿弟

金培元

查蘭田

張愛南

袁兆林

沈明善

並拒賊  
陣亡  
同東北民  
團擊賊香  
花橋賊出  
援眾潰奮  
力拒敵

並不屈  
被害

姚松元

張其祥

馬原

汪金中

孟文興

蔡榮

張有華

王東山

四月

黃傳準

有傳

張有華

被脅罵  
賊死

王東山

不屈被害

五月

諸來璋

生員被脅  
不從受傷

李百勝

被執不屈  
文童不

朱元發

張為仁

品議殺從九  
品罵賊不

陶元潤

文童遇賊  
余山不屈

吳大榮

丁小和

勇丁與眾  
擊賊沈巷

姚長生

長生子

李經奎

崑山投度  
監生

朱金標

眾潰罵賊  
死剖腹

楊錦榮

張寶鈞

監生投  
河死

郭喜亭

楊錦榮

楊晉卿

李日澄

監生並  
不

王成業

王文玉

邵玉書

監生不  
死

蔡震林

唐炎坤

鄒鏞

監生不  
死

陸錦昌

唐永高

朱家琳

監生不  
死

陸錦昌

鄒福堂

王秉衡 品候選從九

方禹亭 生員

葉庶 監生並不屈被害

高兆熊

章紹晨

李經奎

許勝林

杜羹梅 並不屈 投河死

楊海 同二子

張隱樵

張少桐 並不屈 赴水死

徐應甫

程坤

李大

蔣德騏

顧景福

顧駕鼇

蔡和尚

陸駿業 並不屈 被害

石性安 並不屈 被害

沈炎生 被執不屈 死

徐毅

吳還金

陳秀林

姚大興

王振揚

王觀天 一作觀夫

戴瑞清 並投河死

吳全燾 赴水被執 偏降不從

陸友 被執不屈 慘死

陳培餘

陳義和

蔡永和 並罵賊 被害

戴金奎

金茂春 投洋涇死

董朝尊 拒賊被害

許元奎 不屈被害

張和根

方世昌

沈全 並被害

顧裁元

姚大貴

姚旭美

姚萬榮

張永

侯世旦 並不屈 被害

許炳客 並不屈 被害

唐金 投河被刺死

六月

顧憲曾 監生不屈被害

青浦縣志 卷二十一 人物

七月

陳楚恩

從九品銜

張自源

監生並不屈被害

陸培林

陸金林

並禦賊陣亡

趙二

拒賊被害

胡傳榮

橫河死

朱克昌

不屈被焚死

朱成冬

宋蘭龍

徐義

殷木

並不屈被害

錢裕

被執不屈死

陸受益

並被害

汪忠暘

並被害

陳受益

並被害

何金聲

並不屈被害

徐寶全

並不屈被害

潘全

並不屈被害

八月

汪嘉孚

歲貢生有傳

郁懷松

在斜橋擊死賊目一名被執不屈遇害

干小四

不屈被害

陸鴻業

被執不屈受傷罵賊死

蔡全

不屈被殺

王心

並被害

周春臺

並被害

唐思泰

不屈被害

潘金

被執不屈死

葉石帆

不屈絕食死

沈洪廷

不屈被害

九月

王朝柱

監生率團禦賊蟠龍鎮被執不屈受傷投

章紹裘

被執罵賊受傷赴水

沈增祺

文童拒賊被害

鄒濟川

罵賊被害

方天生

並被害

許德言

並被害

陸寶大

並不屈投河死

陳南海

並被害

王希貞

並被害

金茂廷

並不屈被害

蔣逸亭

並不屈被害

邱錫光

文童有傳

王二

並不屈被害

十月

徐宏烈

浙江候補從九品不

戴成緒

監生率眾拒賊觀音堂鎮被執

河死

屈受傷投

鎮被執不

屈受傷投

禦賊蟠龍

鎮被執不

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

監生率團

禦賊蟠龍

忠義表

月十一

何昌翰

知州銜浙  
江候補知  
縣杭州城  
在籌餉局  
被馬賊害

張雪堂

被脅不屈  
投河死  
不屈被害

周二星

並被害

月十二

沈文彪

增生有傳

議叙從八  
品銜率團

周蘭堂

擊賊斫去  
文童持械  
右賊斫去

朱文炳

董大

不屈被害

謝恩

武生集團  
禦賊金澤  
鎮力竭陣  
亡

顧福

秀山子並  
不屈被害

陳繼芳

陳萬金

孫麟祥

投水死

朱錦文

懷春元

楊伯鎔

賊死

朱小毛

同治元年正月

陳謙

議叙八品  
銜生員受

傷絕食死

朱秀昌

薛懷春

並被害

孫寶珍

並不屈被害

朱有堂

張金

方宗濬

並不屈被害

蔣夏林

並罵賊

潘義

黃克修

被脅不從  
罵賊死

章丕基

徐萬夫

周子巖

楊慶瀾

周維誠

張維勤

譚永坤

王大勝

許有珍

王春和

柏思忠

郁毓麟

朱大

錢小弟

並不屈

朱有堂

朱經樹

投河死  
不屈被害

二月

沈元功 文童文彪 姪附傳

張壽椿 文童拒 賊被害

沈有堂 有傳

吳鶴齡 有傳

沈九觀 附有堂傳

柏效忠 合傳

孟武興 附兄文 有傳

朱福堂

吳四觀 有傳

朱有生

吳春和 被執罵 賊死

任懷清

陸福 被執罵 賊毆死

陸茂森 並見吳 鶴齡傳 賊

徐景溪

張小 團勇擊賊 香花橋陣 亡

胡新明

吳安新 禦賊夾港 村被支解 死

周大

李松泉 擊賊被害 擊賊被害

姚殿邦

吳秀昌 擊賊泥潭 村受傷投 死

尹又喬

沈五 並罵賊 被害

沈飛鵬

沈惠忠 並罵賊 被害

沈陽春

張雲 被脅罵 賊死

陸孝山

顧忠俞 絕食死

薛在松

朱聖

薛恒傳

沈二 並被害

程信期

汪炳文

高士傑

盛大 並被害

馬念如

沈二桂 投水死

何盛源 並不屈 被害

沈二

何盛源

沈二

何盛源

沈二

何盛源

沈二

何盛源

三月 朱 綬 議叙八品 害 銜不屈被

顧 晉 生員不屈 絕食死

四月 陳蘭佩 生員被害

范祥霖 生員有傳 州同銜 合傳 監生不屈 楊 豐 張鳳鳴 被焚死

施鯉庭 忠義表 被害

沈 四 擊賊被害

章紹松 受傷赴 水死 友莘 拒賊被害

張友華 罵賊被害

許 虎 並不屈 被害

李枝丹 文童赴 水死 文童 被害

朱 模 賊害 率眾拒賊 被賊畜降 不從罵死 張 惠 賊慘死

許必達 賊害

周維德 並被害

徐 會

高 全 葉渭生 並被害

葉承宗 一作壽清 並被害

朱 綬 青 並不屈 被害

湯 惠 中 並不屈 被害

徐 敬 華 潘隴其 姚大元 張碧香 唐小寶

唐象隆 臧和尙 程桂卿 凌安瀾 金美和 金成孝 金文孝 金再黃 項成祖 許兆基 許學大

沈 咸 並不屈 投河死

朱炳文 並投河死

李繼高 並投河死

李繼美 並投河死

顧鍾富 並投河死

戴福徵 並不屈 被焚死

沈南采 並罵賊 被害

顧 金 林 並罵賊 被害

沈 祥 並罵賊 被害

沈 大 並罵賊 被害

沈 秀 南 並罵賊 被害

顧 桂 林 並罵賊 被害

五月

李時俊 歲貢生  
陳作梅 賊被員罵  
郭克純 議叙九品  
沈瑛 九品銜

顧惠明 一作忠明  
戴廷秀  
陸三  
陸樹棠 皆不屈  
汪金鐘 被害  
李伍 並被害  
郭萬年 並被害  
朱墨香 榜掠死  
姚德潤 文童被害  
董金玉 並擊賊崑  
董德榮 山平家堰

許三 學大千皆不屈被害  
殷肖義  
姚向榮  
張和  
張六海  
張三元  
黃春  
唐海和 並被害  
柏文忠 並焚死  
迮小  
朱季琅  
胡永嘉

查唐 從九品銜 並不屈被

龐兆廷 陣亡

陳應祥

葉占鼈 監生拒賊 不屈投河

龐和

陳秀榮

宋鼎 監生不 屈被害

朱步蟾

陶丹山

潘以功 葦中生 賊刺斃

朱茂中

陶西珍

沈以泰 支解死 從九品

朱南珍

楊龍虎

吳陞 從九品 並不屈被

朱湘帆

王道宗

錢世奇

孫玉成

王克元

王正元 正元子 一作成三

張	王	劉	周	周	周	周	周	馬	金	金	周	陸	葉	姚	王	羅	盧	馬	沈	邱	陸	陸	谷	
坤	召	小	鶴	全	全	啟	克	文	文	文	明	咸	坤	殿	錦	榮	義	五	明	鏘	蘭	時	畏	
	林	全	松	全	明	明	明	清	沐	沐	明				榮	榮	義	五	明	鏘	蘭	時	三	

項	沈	沈	沈	徐	馮	朱	俞	楊	楊	方	尤	金	嚴	戴	富	陸	石	石	胡	陸	朱	楊	
維	孝	孝	瑞	茂	惠	華	炳	繼	繼	功	福	在	秀	學	繼	秀	永	雲	晉	齊	勝	大	
高	芳	芳	林	蘭	中	華	文	傳	傳	昊	南	岡	章	文	緒	山	芳	濤	高	賢	勝	桂	

並不屈  
被執不  
死

陸	陸	邱	沈	馬	盧	羅	王	姚	葉	陸	谷
時	金	爾	士	五	義	萬	錦	殿	坤	咸	畏
澍	蘭	鏘	明	五	義	榮	榮	殿	坤	咸	三

楊	朱	陸	胡	石	石	陸	富	戴	嚴	金	尤
大	勝	齊	晉	雲	永	秀	繼	學	秀	在	福
桂	勝	賢	高	濤	芳	山	緒	文	章	岡	南

並被害  
不屈被  
擄死



六月

沈坤鎔 議叙八品 街不屈 絕

張玉廷

章大受 池死 不屈 投  
蘇大岡 一作大蘭 不屈 被焚

徐發祥 自縊死

七月

葉百傑 八品 街不屈 拒

薛國珍 並不屈 被害

沈岐三 水死 不屈 赴

潘以正 生員 被員不 害

汪襄臣 文童 被害 不

朱叔琳

王建中 六品 街 監

沈熙 絕食 被拘

王茂森

金湘 議叙九品 街不屈 被

唐春官 隨剿北門 外陣亡

王鑑

姚文豹 武生 率勇 殺賊北艾 祁陣亡

陳六青 並投河死

陸菴 並不屈 被害

孫凌雲 監生 被毆 絕食死

孫兆璋 文童 並拒賊

王安祖 被殺

孫兆琥 陣亡 並拒賊

陳廷章 不屈 被毆死

徐柎 絕食死

八月

張秩宗 監生 被不 害

周不明 被害

朱求立

夏金鑑 生員 被脅 不屈 罵賊

朱金照 率團 拒賊 葉家灣中

強金海

夏履昌 金鑑子 佾 生見父被 害奮身 拒賊死

王榮方 拒賊 被害

陸賡載 並不屈 被害

十月

十二月

朱宮毅 六品銜  
朱宗泰 監生並不屈被害

邱朝榮 並不屈被焚死  
金樹林 拒賊被害

何森桂 文童

朱耀昌 並不屈被害

程錦濤 不屈被害

五月二年

吳文濟 安徽試用  
從九品拒賊被害年

王秉模 六品軍功  
不屈被害  
施鳳儀 遇賊不屈被害  
詳俱未

咸豐 五月

忠義補表 紳士

民人

顧柏松

顧保全 均在家被害

民人

楊紹鄰 團練義民  
殺賊被擄死

呂樸齋 附傳

范德海 並在會家  
橋陣亡

陳奎揚

馮振鎔

馮質夫

馮大觀

馮奎觀

吳金海

周博泉

袁照忠

張明珠 均遇賊死

張南揚 率眾禦賊  
欲拆橋斃

閔有恒 遇賊被害

陳玉卿

邱德觀

邱坤觀

錢貴林

王虎觀

張福德

孫勝全

胡受

張開基

張樹生

王海觀

忠義補表

均被害

賊路賊覺  
被擒斬割  
極慘

李鎮藩

諸金觀

並不屈  
被害

沈培銓

高士奎

王庶卿

王毓華

岑海大

徐小觀

周耆觀

方學韶

吳寶和

陳德明

程瑞春

馮士觀

馮五觀

張傳經

張木觀

張小觀

王金觀

王忠觀

查銀觀

均被害  
不屈被殺

均在北簪  
山陣亡

七月

盧金榜

監生不  
屈被殺

李銘堂

皆東鄉團  
勇北簪山  
打仗隨汛  
官祝應奎

王四觀

在青山  
港陣亡  
剖腹死

何飛

打鐵橋接  
仗鎗斃數  
賊藥盡

程森林

程慶林

倪瑞春

朱玉榮

解大

徐寅信

張萬

張德金

閔有良

遇賊殺龍  
華被殺  
強被擄  
素以勇稱

朱鳳鳴

賊至以手  
數賊力  
竭被殺

沈德宏

均拒賊  
陣亡

李少白

李春觀

王雪亭

管德和

徐奎

范昌觀

李斐

陸書耕

柴咸金

唐海源

吳和尙

楊南

張玉咸

王阿弟

甘南村

徐端和

盧步雲

陳土

張唐信

潘掖垣

吳文元

俞宏奎

沈春泉

陳五觀

曹保金

陸啟明

奚春圃

陳祥元

顧南春

沈心宿

王大振

王煥章

王元英

楊大觀

張成三

趙仁祖

顧景春

均禦賊  
被害  
有傳

均不屈  
被殺

韓茂

李昌言

張和觀

趙全觀

潘富觀

陳小觀

何昌

趙四觀

王義

顧鳳儀

張殿銘

趙明觀

人物

表

年十一正	十月	九月	八月
高士琳 <small>生員遇賊被殺</small>			
張海觀 <small>拒賊被殺</small>	黃三觀 <small>罵賊被害</small>	顧東觀 <small>並不屈被害</small>	顧德海 <small>不屈死</small>
		姚崇禧 <small>不屈死</small>	
			葉永春 <small>均投河死</small>
			李五觀
			蔡阿弟
			董玉如
			周雙寶
			陳大銓
			朱庭榮
			潘秀文
			王四觀
			夏東觀
			黃寶男
			程紹 <small>均不屈被害</small>
			許阿慶 <small>不屈死</small>
			王星觀 <small>不屈被殺</small>

二月

張文銓 <small>與妻葉氏子一淵俱</small>	張一淵 <small>僑生</small>	張子泉	張文鎮 <small>與子靜波媳陳氏俱</small>	張靜波 <small>殺被</small>	高靄泉	周小薌 <small>妻閔氏同死</small>	閔有醅 <small>並被害</small>	閔有彰
朱文耀	朱五金	曹金和	林浩如	錢樸堂	張南莊	閔有忠 <small>皆被害</small>		

五月	八月	九月	十一月	十一月	十二月
徐鴻飛	錢友信	施士林	王方觀	蔣木觀	瞿昌觀
並遇賊死	並遇賊死	並遇賊死	並在香花橋禦賊被殺	並在香花橋禦賊被殺	並不屈
陸煥文	楊桂華	姚榮觀	王福金	姚昌觀	陳元
並不屈	並不屈	並不屈	在香花橋禦賊被殺	賊至投河死	並不屈
張煥文	鄭業湛	李五觀	俞金	俞阿和	俞阿和
並不屈	並不屈	並不屈	並不屈	並不屈	並不屈
張勝金	沈木觀	唐咸和	衛小苟	馬晉驊	陸德
並不屈	並不屈	並不屈	並不屈	並不屈	並不屈
戴全寶	張文彬	俞作堂	俞萬林	范瑞峯	馬小弟
有傳	有傳	有傳	均罵賊	均罵賊	均罵賊
陳佩瑜	徐雲祥	倪寶山	王遇春	沈福泉	裔秀山
罵賊被殺	拒賊被殺	均遇害	均遇害	均遇害	均遇害

同治元年正月	二月	三月	五月
沈木觀	張勝金	戴全寶	張文彬
並不屈	並不屈	有傳	有傳
唐咸和	衛小苟	馬晉驊	陸德
並不屈	並不屈	並不屈	並不屈
俞阿和	俞金	俞阿和	俞阿和
並不屈	並不屈	並不屈	並不屈
倪寶山	徐雲祥	陳佩瑜	馬小弟
均遇害	均遇害	均遇害	均遇害

忠義補表

七月

呂世濤

監生六品  
軍功在柳  
澱軍營賊  
攻小蒸塘  
之死

裔國芳

倪掌觀

並不屈  
被殺

汪沁喟

張海保

並不屈  
被殺

孫獻珍

均被殺

八月

十一月

曹沅

外獎四品  
頂戴在太  
倉陣

錢冬和

均被殺  
攻崑山  
陣亡

王秉森

運副銜浙  
江候補鹽  
候督兵

章維忠

吳大木

張澄

經歷督兵  
遇賊陣亡  
大候選道  
不使遇賊  
以屈死江  
采訪案不  
紀年

韓新信

以上蘇省  
采訪案無  
年月可攷

青浦縣志卷二十一

人物五

隱逸傳

張翰

顧惠允

陸龜蒙

李無悔

松江漁翁

田疇

李智遠

曹知白

杜敏

余瑾

唐華

陸泳

陸厚

衛仁近

謝守貞

楊德懋

全翁

野舟客

沈鉉

杜桓

舒敦

顧聽

金藻

陸郊

錢嶽

陸孝思  
張元凱

金處和

張文模

陳繼儒

包爾庚

隱逸傳 弟爾庶子 鍼姪 銷

徐丙晉

從子 銘 常

張若羲

彭彥昭

沈明初

趙洞

子容 天延 孫太質 弟賓 日

邵梅芬

吳騏

周賓王

弟賓 日

黃隱君

張士楨

兄 鉉

沈楫

張彥之

唐鎔

兄 鉉

陳謨

張三秀

章有謨

沈白

父 求

陸灝

林企佩

孫 日 隆

張大綱

孔毓書

張梁

子 夢 鼈

俞梅

葉鎬

周鳳池

陳畹

馬導源

趙曾顯

晉張翰字季鷹有清才善屬文縱任不拘人號為江東步兵同會稽賀循入洛齊王問辟為大司馬東曹掾翰謂同郡顧

榮曰天下紛紛禍難未已吾本山林間人無望於時子善以

明防前以智慮後因見秋風起乃思吳中菰菜蓴羹鱸魚膾

遂命駕歸著首邱賦俄而問敗世皆謂之見機翰任心自適

不求當世或謂之曰卿乃可以縱適一時獨不為身後名耶

答曰待吾有身後名不如即時一盃酒時人貴其曠達性至

孝遭母憂哀毀過禮年五十七卒按舊志云張翰為青邑人 史無明文蓋因諸嗣郢建

五賢祠於神山且於九峰志各係以今傳魏球 纂志采入不敢遽為芟削姑記於此今仍之

宋顧惠允鎮軍將軍凱之弟子也間居養志不應徵聘

唐陸龜蒙字魯望性放逸舉進士一不中輒浪遊蘇湖閒居

松江甫里累召不出與皮日休羅隱吳融結詩社多所論撰

不乘馬喜御舟楫每設蓬席賫束書茶竈筆牀釣具往來時

謂江湖散人或號天隨子自比涪翁漁父江上丈人云按龜 蒙 迎



湖送潮辭云耕稼所在松江南即邑境也  
宋府志藝文列龜蒙而傳闕今為補之

宋李無悔字行中高尚不仕隱居青龍江寄情詩酒治園圃

蘇軾顏其亭曰醉眠歌以贈之屬而和者蘇轍秦觀張先陳

舜俞輩凡十五人按舊志作字中行  
今據何其偉詩改

松江漁翁不知何許人嘗櫂舟游江上往來自得醉則扣舷

而歌紹聖中閩人潘裕自京師調官回道松江遇而異焉起

揖之曰余觀先生氣貌固非漁釣之流願丐德音翁笑曰君

子之道或出或處吾雖不能棲隱巖穴追蹤園綺竊慕老氏

曲全之義且養志者忘形養身者忘道致道者忘心心形俱

忘其視軒冕如糞土耳與子出處異趣子勉之裕曰幸聞先

生之高義敢問舍所翁曰吾姓名且不欲知况居室耶言畢

鼓枻而去

田疇字北平慕田子春之為人故名家小蒸咸淳間舉鄉薦

嘗列翹材館設講席於國學六館之士北面焉國亡不仕有

學易蹊徑四書說約行世

李智遠初居小蒸自號谷隱野人後居金澤頤浩寺竟日掩

關默坐元兵至眾皆逃智遠若無聞因被擒尋釋之事定月

餘忽沐浴衣冠斂身危坐手書一詩而逝

元曹知白字又元應符從子身長七尺美鬚髯性機敏至元

三十一年詔遣中書左丞郎中都爾迭失等鑿吳淞江知白

從行用其策最多大德七年庸田使柳某行水復獻填闕成

隄之法民甚德之以薦授崑山教諭意不樂辭去嘗遊京師

公卿多引薦之曰我聞燕趙多奇士庶幾見之豈齷齪求官

者耶即日南歸隱居讀易終日不出戶庭生平篤於友誼若

許應元李冲劉世賢僧密古生則結社死則具喪葬焉卒年八十四人稱貞素先生

杜敏字好古可久孫號泉石道人貧敦學高隱青龍累謝徵辟眾謂之迂王逢有寄懷詩族人元方字玉泉官德清主簿有文名歸隱西霞浦建翡翠碧雲樓藏書萬卷別業在東南雲林池島尤勝著有雲林集皆衍後遷青者也

余瑾自號笥隱生幼時嘗夢掘地得大小墨數百笏既長遂善屬文好遊名山至正間自具區道毘陵渡江抵淮泗以直言干在位者弗用還讀書斡山下著述終身世稱高隱

唐華字明遠華亭人避居小蒸累薦不仕善鑒古鼎彝圖畫失物不校人服其雅量

陸泳字伯翔隱居大蒸盡心農事采方言習俗作田家五行

以占豐歉楊維楨陸居仁叙而傳之

陸厚自號東園散人長身虬髯博洽經史精孫吳書方兵變

時將帥聞其名欲致之不可得往來茗雪間兵息歸家近三

泖或勸之仕不應幼嘗遇異人得于午按摩法療人病不施

針炳對坐笑談頃即脫去未嘗受人直有詩集名古漁唱

衛仁近字叔剛德嘉子德嘉見孝友傳仁近好學績文敦孝

友行嘗游吳興守將候見之送餼米百斛既舉幕官辭張士

誠遣人聘亦謝免或問之曰所薦非正人所依非真傑吾將

裘葛老於余山墓側足矣惡用虛名致實禍哉年四十七卒

楊維楨稱其詩音節興象可追盛唐

謝守真晉太傅安裔孫九世祖仲華以進士隱斡山遂居焉

工詩善飲耕稼自樂與王逢楊維楨為友逢贈北邙耕隱歌

青浦縣志卷二十一 人物

稱斡山謝逸人石瓊字伯玉祖國英為宣慰招討使有惠政  
宦於浙遂家華亭瓊以松江萬戶嘗分戍大信亂後歸隱余  
山亦逢友也逢友又有陳肅邵維翰嘗隱余薛兩人後皆仕  
於河南李察罕故不載

楊德懋金澤冷灣人祖慶二於皇慶間居此德懋資性穎達  
髫年即好佔畢善書法迨壯明左氏春秋究心諸子百家朝  
夕玩太極圖通書不輟或以不仕訝之德懋曰我生不辰遭  
時之屯爵秩不足顯親祇辱身耳買田澱山之西躬耕不出  
明初詔徵天下真才郡縣交薦之命下即自眇其左目以示  
廢疾不可用優游湖上卒年九十二里人稱之為自廢公云  
全翁不知其名元季避兵泖濱耕讀為樂倪瓚慕其人訪之  
翁但極言好名之失且曰君輩得毋山林養望以為名高者

乎瓚有温色辭去後江南名士就徵多不免人始服翁之高  
今其裔為平湖陸氏

野舟客姓氏莫傳乘扁舟往來小蒸日持釣竿書卷容與泖  
中邵亨貞嘗遇之登舟沽酒歌離騷作楚音飲畢鼓櫂去不  
復見亨貞有記

明沈鉉字文舉隱居泖濱築室曰野亭楊維禎為之記倪瓚  
高啟皆有詩子復吉通儒書精醫術游於中都作植芳堂天  
台王璞四明鄭真記之

杜桓字宗表永樂三年貢士金華衛經歷棄官歸隱有九峰  
一叟稿曾上書當事請減浮糧文不具載互詳田賦

舒敦字志學居青龍鎮古心古行非聖賢書不讀居恒冠昏  
喪祭一遵朱子家禮或勸之仕謝曰我非適用材也宣德初

巡撫熊槩欲薦起之以母老力辭繼而郡縣敦趣應賢良方正詔卒不就嘗教授安亭沈璧家從游者類多實學年七十

二卒

顧聽字達夫本崑山人其先顧仲瑛有別業在青龍之新江鄉至聽遂移家其地中宏治十七年舉人授建昌府同知以慈惠著尋棄官歸結茅屋自號孤松小隱貧不能舉火集生徒教授至於躬親畚鍤凡三十年而歿

金藻字緩齋唐行鎮人有詩名與顧清相唱和著三江水學新書有心經世非一於隱者

陸郊字子野初居陳氏甥館陳易簣時命其子中分田產郊攜室人避居邨落讀書詠詩閒臨摹以自樂即晨春不給弗顧也巡按御史尚維持行部訪人物於莫如忠如忠曰有陸

子野者詩類孟襄陽字類顏平原人亦類王仲孺真高士也維持遂折節過其廬郊往報以葛巾布衣踞上座人益高之海鹽給事中錢薇雅重郊嘗雪夜放舟不遠三百里訪於窮巷四壁蕭然藉草為臥具清談信宿乃去

錢獄字邱山居唐行鎮屢試不偶為鄉塾師暮年晦於醫與陸孝思俱以山林隱逸稱孝思字維則涉獵經史星宿輿地最稱該洽獄才稍遜於陸而詩則陸遠不逮也時同鎮有金處和字雲林張元凱字守復皆安貧自得之士陸樹聲談詩恒推之

張文模字振揚自號灌花居士諸生其先世由七寶移居七滙東文模天資穎異早承家學究心經史因廢舉子業吟詠自娛配楊氏名芳字雲錦亦能詩閨門雍睦雖簞瓢不充泊

如也萬歷時人

陳繼儒字仲醇幼穎異能文章徐階特器重之長為諸生與董其昌齊名太倉王錫爵招與子衡讀書支硎山王世貞亦與友善三吳名下士爭欲得為師友繼儒通明高邁年甫二十九取儒衣冠焚棄之隱居崑山之陽後葬親神山麓遂築室東佘山杜門著述雖短翰小詞皆極風致兼善繪事又博聞強識經史諸子術伎稗官與二氏家言靡不較覈或刺瑣言僻事詮次成書遠近競相購寫徵請詩文者無虛日性喜獎掖士類履常滿戶外片言酬應莫不當意去暇則與黃冠老衲窮峰泖之勝吟嘯忘返足跡罕入城市其昌為築來仲樓招之至黃道周疏稱志尚高雅博學多通不如繼儒其推重如此朝臣吳永順沈演先後論薦謂繼儒道高齒茂宜如

聘吳與弼故事屢奉詔徵用皆以疾辭卒年八十二自為遺令纖悉畢具

包爾庚字長明居秦來橋上海籍幼穎慧未舞象應童子試冠軍督學駱駿曾許為令器以選貢成崇禎十年進士出江西楊廷麟門以名節相期許選廣東羅定州知州適鎮兵譁兵備道水佳允被圍爾庚單騎往諭之眾解散徭蠻跳梁不法爾庚嚴間諜出奇制勝投者許以自新其魁楊翼行來歸撫之州境始安又革穀船稅置學田民稱為小龍圖建生祠祀之擢兵科給事中以母老乞養歸上海縣志稱行取入隱都以上海縣志稱行取入隱居青谿之曲閉戶著書自號宜壑居士入國朝詔徵訪山林隱逸當事強起之力辭不赴爾庚雖家居能任地方大事海塘圯親督工築郡被水出米賑饑又應知府郭廷弼聘

修府志著有直木居詩集工書時文最有名命詞析理幽迥絕出至今人誦而愛之弟爾庶字虞尹花鳥宗徐崇嗣亦以文學名爾庚壯年喪偶不娶無子撫猶子鍼為子鍼字伯藥縣學生姪錞字澗水皆能詩

徐丙晉字用錫崇禎十六年進士官福甯州知州廉潔無私妻子不免凍餒唐王嘉為清官第一閩破歸隱柰山歲餘嘔血死從子銘常禎稷子登崇禎六年舉人鼎革時禎稷年已七十餘謂銘常曰我於大義不可辭然亦不必使人知也杜門不食卒銘常痛父遺言終身不出

張若羲字吳東華亭人青浦籍崇禎十六年進士唐王時授福建泉州推官清剛明決卓異著稱竝能制悍帥鄭芝龍獄不少下既而內召赴天興國事大變無路效忠遂奉母還

里隱於灌園服浮屠服終老

彭彥昭字韋齋初名彥臣中崇禎十六年會試副榜任常山令居官清慎時羽書絡繹彥昭練習丁壯以備禦民苦兵之貫城出入為別開一道導城北以便往來民始安堵又馳書止帥某之屠掠釋鄰邑被掠子女還家政聲大著選授浙江道御史會浙兵潰魯王浮海遂歸隱居橫溪老屋以終

沈明初字東生猶龍子少為名諸生善騎射蔭錦衣衛百戶猶龍殉節後明初挈妻子航海依黃斌卿於昌國衛會魯王來駐兵署為侍從明初好彈射譏談同官側目及昌國破歸吳攜家鳳皇山下削髮為僧改名浩然居超果寺又居善應庵卒年五十一浩然能詩尤工書法尺縑片紙人爭寶之

志例云沈浩然居青境而傳闕今補列之

趙洞字希遠華亭諸生居神山博學能文王時敏董其昌折節下之時楊文驄爲府學教授尤愛其才福王立江甯文驄以馬士英親戚作書招洞洞曰國事危若累卵而君相耽樂此亦山必不可恃作書謝之晚年以書畫自娛絕意進取著有盟鷗惺園詩稿及題畫錄行世子容字盟孚天延字緘庵兄弟以友愛稱容子太質亦以文學重於鄉天延子太樸別有傳

邵梅芬字景悅金山衛學貢生居金家橋少受知於方岳貢繼與徐桓鑒張宮王濤同受業於陳子龍能詩文益有聲從游者甚眾弟子同時入學嘗至十七人王曰藻張安茂俱出其門雲間興幾社共七十二人王光承爲首梅芬繼之甲申後與光承堅臥不出順治八年卒

吳騏字曰千華亭人諸生父中芝字泰符乙酉遭兵傷左臂創甚騏以悲痛遂棄諸生奉侍後連遭大故營葬親於細林山中卽葺茅課徒其間嘗剪髮覆額自號九峰遺黎生平力學不倦靡所不窺詩古文詞信筆立成及隱遁後間有所作輒悲憤不自勝有言及啟禎時事者每泣然久之家貧取與不苟畱客一飯卽與妻食粥以補之其苦節如此卒年七十有六

周賓王字用之與弟賓日同補諸生值明季役困里中解戶多破產逃命獨賓王兄弟讀書敝廬中晏然自得聞雲間社事方興欣然赴招見同社相尙氣節慮以文章賈禍乃韜晦聲跡僻居村舍日惟攜杖過橋造其從子家談笑達暮乃返晚號于于道人

黃隱君不知何許人亦不知名字明季隱居沈巷事親先意承志性廉潔人不敢干以私勸之仕輒流涕莫能測其意指也好吟詠日坐一室含毫吮墨揮灑罔倦及疾革悉焚其稿曰安用是以累我名歿後友人私謚曰孝靖先生

陸士楨滔子滔見孝友傳士楨隱居好善鄉里式化人以興善名其里崇禎末遭亂家遂破士楨寄跡市肆暇輒披誦經籍正襟危坐識者目爲市隱

國朝沈楫字宏濟明學士度之後弱冠補諸生經明行修遊夏允彝之門允彝命子完淳師事之後遭家難隱居薛山祖墓間久而困甚北遊燕齊名公卿咸敬禮之晚年歸里時或不給日書千字文易錢千文以續食卒年七十有八無子所著詩文稿門人方景高收輯之

張彥之字洮侯初名慤之象元孫幼與弟漢度九荀有三張之目讀書細林山中後盡斥田宅卽細林別業亦讓其弟隱居窮巷取遺書讀之託於酒狂以自廢

唐鎔字歐冶又字冶父始居黃浦上繼居珠街閣在幾社中與談璘章本練輩奉徐孚遠爲師後以布衣終與許譽卿王光承友善遺詩藏陸范鎌家古體已軼近體亦斷爛齷缺僅存百十七首王昶序之謂宗法少陵兄鉉字玉汝亦幾社名士詩失傳

陳謨字遜欽甲申後鍵戶讀書或勸以仕進輒謝曰國破家亡我安適歸自邑中移居岑涇終身不入城府

張三秀字晚史少瞻學後博極羣書詩尤高古著醉墨堂集朱克歧稱爲雲間高士



章有謨字載謀華亭人隱居佘山布衣不仕父曠明桂王時官武英殿大學士謚文毅有謨生於永州時曠已薨數月生母吳撫之成立順治戊戌年十一侍母扶父柩歸松江篤志好學博通經史與兄有功並以詩文鳴康熙戊申之湖南從衡陽王夫之學著禮記說十卷嘗至常德過曠屯兵處設位以祭及從征將士披髮大慟行路感泣人以謝翹鄭思肖相比

沈白字賁園父求字與可少有雋才餽於庠申酉間當貢棄去隱於諸翟鎮之梅花源以詩文自娛歿後學者私謚貞慤白年十三童試衛學首拔父不欲其與試遂以布衣終闢父所居而廣之築結繩書屋懸父像於中晨起必拜飲食必祝終身如一日善山水縱橫疏快有別趣詩與書亦揮灑自如

嘉定張雲章銘其藏曰孰膠其口孰韜其光兩世之隱百世之芳

陸灝字平遠自署天乙山人工畫性貞潔吳偉業重其人在京師主葉方藹所數年還至山東三登泰山既歸吳告葉淳及弟湜曰余向有山水癖聞尊大人與九峰主人為性命友可通一語代吾卜居九峰主人者諸嗣郢也嗣郢聞之喜居以陳繼儒白石山房古香庭院王雱作陸高士入山圖同人皆賦詩贈之

林企佩字鶴招居青龍江上與栢古並高隱節喜遊客橫溪每依諸嗣郢孫曰隆為居停主人晚年彙錄詩文二卷朱彝尊為之序企佩性高潔每厭人言科第得失故布衣終其身曰隆字衍孟邑諸生孝友能詩

張大綱字舜所居有寶忍堂在陸皎浦門庭清逸詩花賦詩時揚州王尊五流寓黃渡大綱以丹桂閣居之日與王堅王璣輪流觴詠其中每譙無二味號爲一品集璣製滿庭芳詞以紀其事

孔毓書字魯原聖裔也能書由華亭贅居紀王鎮後家黃渡葺一室於吳淞濱客至彈琴觴詠有逸士風

張梁字大木婁縣人母病嘗刺臂血作疏籲天求代康熙五十二年成進士充武英殿纂修官書成當選人司行人會裁缺別補遂歸里絕意仕進厭郡中酬應繁移居珠街鎮顏其堂曰保閑以示意兄彙別業在杭州西谿梅竹最深處春初輒攜小艇探梅至雜花俱謝綠陰如幄乃返過中秋復往看秋山紅葉歲以爲常善鼓琴指法入古操著多奇中時

兄子照爲刑部尙書方貴盛或勸之出山顯要可立致笑而不答世擬之柴桑徵士松陵散人晚專修淨業自號幻花居士年至八十三卒子夢鼈字巨來九歲能書劈窠大字長從婁縣繆謨學詩詞淡而彌旨縣學生

俞梅原名同椿號月岳諸生性情高逸工詩善書居佘山時王興堯園林之盛甲於一郡梅爲其家賓師互相酬倡相得甚歡興堯卒園廢梅遂蓬華以終年七十餘

葉鎬字貴京諸生精易理貧而兀傲終身不娶晚年境益困嘗爲人決休咎於曲水園暇輒吟詩多佳句蓋隱於卜云

周鳳池字維綸金澤人精形家言并星卜爲人伉爽好書史博采見聞積數十年輯金澤志四卷王昶序之稱爲隱君子陳畹字蘭滋性孝友通才博學湛深經術中嘉慶十七年舉

人終身不赴會試邑令温恭欽其品學屬勸計偕并餽厚贐  
 堅卻之生平謙和恭儉雖城居絕不謁官長客授以老東南  
 時彥半出其門素精於易筮輒驗卒年六十有五子鑄俱  
 舉人人以為先世陰德之報云鑄自有傳  
 馬導源字佚甫居觀型堂鎮布衣工詩吟咏自適淡於名利  
 性潔無他嗜篤於友誼著有養真山房集青溪竹枝詞百首  
 攷證頗詳足補志乘所未及  
 趙曾顯字誦芬徐涇人領鄉薦後足跡未嘗入城市平居誦  
 讀之暇藉織草履以自遣

懿行傳

陸續

杜國珍

卞崇

陳公廩

陸南金

曹澤之

弟趙璧

夏椿

章夢賢

任璞

蔡暉

楊有為

顧從禮

顧正心

王時亮

席本久

陸肇宿

陸祖彬

任仲孚

唐煜

蔣性中

周禪

曹世龍

蔡倫

黃調元

陸希疇

陸景俊

孫琪

張安輿

杜英發

謝德嘉

張倫

張誼

錢良輔

孫逸

程大任

孫學濬

陳匡夏

陸吳詒

張風雍

林青

父定芳

子懿德

孫善有

父榆

子志尹

孫大

父崇道

諸從禮

弟秉禮

諸宏謚

朱能一

諸謝

子齡

子從律

子大忠

子彥朝

陳彥芳

諸士毅

李世藻

吳廷楷

盛執

高一桂

黃圻

席世臣

周泰圻

葉德基

王肇和

陳維禮

徐士行

王炳照

倪駿煦

陳鱗

吳家鼎

張煥

劉觀光

金玉相

盧樂山

陸永錫

漢陸續字智初閔孫幼孤為太守尹興門下掾興坐楚王英事徵詣廷尉獄續就考肌肉消爛終無異詞後章帝聞續母賢知其無罪即赦興等還鄉里續以老病卒

卜崇桓帝時太守薛固為法吏所誣下廷尉崇與烏程錢讓詣闕稱冤廷尉囚崇等以兵圍守楚毒備至崇讓確然無撓

聲枉彌厲天子聞而奇之乃赦固罪

唐陸南金字季孫元感子貞觀中為太常奉禮郎歷鄞令築隄為湖千頃開元初盧崇道抵罪徙嶺南逃還東都南金居母喪崇道偽稱弔客突入南金舍而道其情南金匿之事覺詔御史捕按南金當重法弟趙璧自言匿崇道者我也請死南金固言弟自誣不情御史怪之趙璧曰母未葬妹未歸兄能辦之我生無益不如死御史驚上狀帝遂皆宥之南金知書史操履謹飭張說陸象先稱其賢授庫部員外郎以瘡疾改太子洗馬卒

宋杜國珍字君寶嘗任戎司屬官少嗜學而不務進取卜築江皋雅有園池之樂闢家塾二區日學古曰桂芳教子有方喜賑困窮市田代鄉人雇役立冢以斂無歸者建津梁穿義

并為之不靳嘉定八年卒年八十有二葬新江鄉松澤里任希夷誌其墓

陳公虞青龍鎮士也嘉定時監鎮趙彥啟創鎮學買田構殿宇齋舍學職之次罔不備凡費三千緡公虞獨任三之一又舍田租六百斛為丁祭公養之用人皆稱之

曹澤之字仲溥其先溫州人宣和間有景修者移居小蒸父從龍以好善稱澤之初授秉義郎繼監鹽官破石酒庫入元授常州路儒學教授不赴生平孝友謹直篤於族里當宋元兵燹間賴以保全者甚眾卒年八十三

元夏椿字壽之三十八保人至元丁亥歲饑出粟減糶庚寅存饑減糶猶不給施粥活人大德丁未大饑鄰境攜持老幼歸之椿闢廬舍具饋藥視其羸壯而食飲之欲去則贈以資

死者給構以瘞事聞諸朝旌其門曰義士卒葬細林山御史周景遠為之立義士碑

任仲孚仁發之弟好義樂善大德間歲饑發米二千斛穀八百斛以施貧乏使者上其事詔旌之擢其子良佐溧陽教諭良輔信州疊山書院山長

杜英發字俊卿衍九世孫仕建甯路蒙古字學正陞南容州教授歸隱浦上號西霞道人初季父某無子養莫氏子為子後復以英發為嗣季父歿悉以產歸莫氏子復為冠娶待之不異同氣家產不及中人勇於為義時族人困徭役英發倡置義田儲米若干石以資之隣里昏喪亦皆有給

章夢賢字思齊棗九世孫夢賢孝友通練好施惠至順初大水夢賢出粟二千餘石賑饑不受爵詔旌其門至元中薦授

襄陽建康等處營田財賦提舉以父母俱喪不就伯兄多疾事之如父兄歿撫其孤同居二百餘口未嘗有間言復買田置義莊建義塾以教養宗族鄉黨時金澤林青亦建義塾延師以訓後學如姚北陶振輩皆賴玉成今義塾遺址猶存唐煜字仲明世居華亭後徙海隅鄉至順庚午郡大水捐粟五千斛以賑事聞授浙西袁浦場司丞秩滿轉江西蘆潭批驗所提領俱以廉幹謹慎稱年七十乞休賜七品秩授徽杭等處權茶副提舉自庚午後歲數歉屢出資財煮糜濟困至老彌篤嘗曰積善者昌聖王於以教人此吾家法後人其可廢乎壽九十卒生四子九孫五世同居內外雍睦遠近賢之謝德嘉字維則居澱山封安陸府同知飛騎尉華亭縣男工詩懷材德人皆呼為長者嘗壘土澱濱為義山葬邑寓公之

死者有奴盜金亦不問其卒也王逢有挽詩元末謝氏又有助修華亭縣學者廷蘭與其姪晉有創谷洲義塾官奉訓大夫挂冠歸築知止草堂悅親堂更築光祿亭於泖濱以處楊維禎者伯理禮有居名瓢湖小隱者土安有錢元方題一掬泉詩者仲允王逢又有澱湖舟中懷之者府倅履庵題可竹軒詩者明府季初子姪多讀書好義惜名字官職已佚莫考今湖濱有村名謝宅關其所居故址也

任璞字伯璋賢佐子仁發孫也居艾圻嘗割田二頃贍青龍鎮學中年謝軍職遭世變一褐畝廬義不去圻上今任氏子孫猶有居此者又任巷任家橋所居皆有任氏裔云

案伯璋之字從

青浦詩傳據梧溪集有簡元朴鎮撫伯璋縣丞詩璞當字元朴以縣丞非軍職也

明蔣性中字用和初居廣富林後徙上海鷺脰湖宣德二年

成進士有司舉故事將立表於門時鷺脰湖病涉久性中曰  
 榮我家曷若利吾鄉卽移所費建石梁於湖上官兵科給事  
 中上疏劾巨璫王振請節闈寺錦衣諸冗食以養驍勇陞江  
 西右參議論蠲賦當均及一方不當私一邑旋以疾乞致仕  
 章四上乃許性中幼端恪既擢第家居躬耕以養母杜門卻  
 掃不以私干人尤爲巡撫周忱所重晚益恭慎時稱篤行君  
 子

張倫字文簡居七寶鎮好讀左氏春秋及歷代史傳尙志節  
 有古俠烈風宣德中同知馬某解糧十萬斛赴徐州監收內  
 官拒弗納某計無所出倫時隨行儒服入見曰人謂平江伯  
 無善謀果然今統十萬人沿河撩淺淺終如故若以十萬人  
 築城浚河擴倉廩以接南運待水發入京庾未爲不可今十

萬糧委在草野設遇兵變非以資敵耶監收者懼納之倉其  
 談言微中使人傾聽類如此先是周忱巡撫江南病征輸無  
 法倫獻策立倉水次民以爲便倫在枕幕府垂二十載欲以  
 葉中行例薦辭不應暮年家居猶憫吳淞蒲漚淤塞歲比不  
 登白之知府葉冕冕屬倫經紀其事以通潮汐家美園池竹  
 木人稱爲園上張云子齡天順三年舉人官至浙江溫州府  
 通判

蔡睦字世杰元學正文英文華後隱居小蒸恬靜好修不妄  
 交際平居訓子弟惟云多讀書少置產又書禮義廉恥四字  
 爲座右銘日之所爲夜輒焚香告所供大士一日營葬地術  
 者盛言此當富貴第頗礙里人瞿然曰損人利己非長者事  
 工垂成竟棄去別卜葬焉歲大饑鄉人以舊負羞稱貸自計

家食外尚有餘粟悉分給之子充榜姓徐見仕績傳

周禪字維敬父榆嘗還遺金有厚德禪初爲府掾太守劉璟器之璟以直忤御史黃憲欲按以贓罪拘諸掾拷掠之皆誣服禪獨鳴其冤楚毒備至辭無屈撓黃怒繫之獄或曰此上官意何自苦禪抗言曰贓罪安在如君輩言天理人心斯滅矣明日復鞫卒不移事遂解時服其義後謁選得福建長豐倉大使遷江西樂平縣主簿改補興國謝病歸禪能詩與顧清曹時中相酬和同里楊氏家稱多藏書往借讀之手輯書數十種見藝文孫思兼自有傳

張誼字履道家贅永豐里縣學生好易善占候倭亂憩石湖袁氏山莊出望雲氣拉主人疾走亡何倭突至時有沈子猷者畱食力辭曰蒼逆不敢泊也行不數里子猷被創其奇中

如此總兵張守道自蜀來勦以金封寄其家詭稱海錯并屬以五歲兒守道戰歿誼募善泅者獲屍殮之出金歸其子尋歲貢廷試首選坐病歸晚營壽藏荒翳中得墓石讀其銘乃永樂時徵士陸子安墓江西胡儼撰文遂捐壙修葺之子從律嘉靖四十一年進士官刑部主事

楊有爲字選卿居謝宅嘉靖二十八年舉人杜門讀書不涉戶外事卒以窮餓死知府李多見聞其賢爲文祭之且以不知其人自責焉

曹世龍字子見居琴村父鼎以貲授指揮使兄弟三人世龍少而孤嘗以事謁上海知縣鄭洛書洛書器之語其兄曰好視季季非常兒也兄感其言延師教之嘉靖二十八年舉於鄉世龍家有腴田在澱山湖旁頗饒沃故爲縣中富姓其後



稍稍衰落世龍既得舉舉餘業而振之乃讓已產以報兄及洛書子避倭至松江世龍復割田歸鄭氏子孫以奉祭卒年四十九子志尹字重甫太學生多與四方賢豪長者游知縣屠隆尤重之晚年好收金石鼎彝圖書邑中推博雅家第一歿後歸有光志其墓孫大臨字泰叔大雅字雲門大羽字驥仲皆高才世稱清谿三曹

顧從禮字汝由英曾孫也父定芳以純孝稱尤精醫理嘉靖時薦授御醫世宗問攝生以清心寡欲對世宗嘉之曰定芳非醫也進修職郎致仕初定芳與夏言厚言死賓客皆散定芳命從禮哭而收其尸世宗幸承天時選善書者給事行在從禮被薦授中書舍人兼翰林院典籍預修玉牒永樂大典承天大志侍經筵歷官光祿寺少卿生平篤孝友兄弟六人共爨喪祭務遵古禮捐地建青浦縣治暨儒學復置田以助役邑人賴之卒年八十有四

蔡倫字樂山宋儒沈之後十世祖光祖移家雲間卜居唐行鎮倫與汝賢爲從兄少孤事後母以孝聞爲人高朗豪雋時譽翕然隆慶四年濬吳淞江萬曆元年議復縣治移建唐行倫皆董率民夫襄大役知縣卓錕舉其行上於朝給八品秩年七十餘乃卒子象春字元淳行誼端介嘗買帛於郡人尤氏攜歸覺其貨倍以所餘還之崇禎十四年歲祲有士族子金姓者自鬻後知之破其券而遣歸焉

錢良輔字德卿父廉貢生通五經陸炳欲延致之終不往任彰德府教授良輔天資雋邁萬曆十年舉人事祖母以孝聞族叔貧以女許富人爲側室良輔聞自治奩具擇名家子嫁

焉其友范濂著書賈禍力救之子大忠字侃臣以舉人授如  
皋縣教諭歷官刑部主事

顧正心字仲修參議中立子也以諸生入太學任俠好交遊  
家既中落乃謀什一歲入頗饒輒以周親黨萬歷十七年歲  
禮出粟二萬石行賑授光祿寺署丞初張居正當國民逋賦  
至五百兩梟首藁街里長六人坐棄市正心應役主供張引  
囚與飲食惻然垂涕曰天平傷哉是皆以役而耗賦也役困  
不蘇死者將益眾竭吾心力必為拯之遂請於朝捐私財買  
田贍役用錢七萬四千七百緡母子相權積十六載得田四  
萬八百餘畝分貼細布收辦以至學校城池倉廩質獄坊廂  
埠頭津夫驛卒靡不分給又設濟荒義學贍族諸田他如繕  
治鬻宮館舍橋梁不可勝紀由是花園顧氏義聲振天下晚

歲營青浦役田未就疾革以囑其子懿德復斥產萬畝以成  
父志時顧氏猶力役如故郡士民請代之役始命復其家懿  
德後從選人得光祿寺署正孫善有練達有祖風懿德善有  
互見藝術傳

黃調元字孟和父崇道貢生富而好善遇族人貧不能舉火  
喪不能葬者輒捐橐助之值歲饑族屬來就庖爨者常數十  
人人比之彥方太邱調元早歲補府學廩生亦樂施與善詩  
古文詞與弟燮元並有才望董其昌李世祺皆令其子師之  
著有鹿田集時諸從禮號海門監生弟秉禮號禹門縣學生  
皆孝友長厚縣有大役必力任之年俱七十餘卒

王時亮字伯寅又字見素縣學生居七寶鎮少具雋才強項  
負氣節有仕宦家侵學宮餘地構樓臺羣攻之其子弟在京

具章控告首列時亮名將中以法時亮徒步四千里伏闕上書事乃得白宦家遣僕三四輩欲於中途刺之時亮潛匿馬夫家乃免歸數年謝去諸生修淨業而終

陸希疇字右濱諸生居陸家圩北亭鄉之三十三保土埭汙下並困重賦希疇呈部申請減則盡破己產以供費其鄉至今以薄徵蘇困

孫逸字中麓輕財好義多爲德於鄉卒年九十有三先是九十悉取契券數百昏命裱工沈伯祥裁其前幅焚之而以餘幅裝屏幃比卒發其篋所存惟地方利弊條議如細布塘長機戶之類子彥朝字元賓廩生先逸卒包爾庚序其詩文稱博洽好古

國朝席本久字仲遠其先居吳縣洞庭東山遷居珠街鎮縣學生由監充貢張采徐汧陳子龍夏允彝皆與周旋劇切一以道義爲歸居喪哀毀瘠立麻衣蔬食六年尤好施與惠戚黨調里閭捐葺學舍修治陂塘施榷置冢飯僧放生行之終身晚築澹香別業手鈔張九成鄒元標諸書爲傳心摘要卒後汪琬誌其墓

陸景俊字爾明明諸生矜尙氣誼不以盛衰改節甥李待問殉國冒險入郡城護櫬以出徐丙晉亦甥也宦閩歸寄跡神山及沒貧無以殮往臨其喪力爲營葬從子慶曾謫戍瀋陽衛其家出關有自撰年譜二卷記鼎革時事甚詳張若羲序之

程大任休甯籍移居邑中任俠好義里人貧將鬻其妻大任罄橐金周之得完聚有富豪速仇於獄又力爲申雪他隱德

多類此子化龍見孝友傳乾隆時姚斷邨陳彥芳亦有為鄰村石塘人捐金毀鬻妻券事

陸肇宿字象明監生疏財好義每以餘資貸遠近之貧乏者約之曰子勿還我有需當自取之終不問焉夜戶不閉匪人

感其義相戒曰此陸某門也我輩毋入

孫琪字襄臣縣學生少孤事祖及母皆以孝聞嚴事兩兄細大必請命而行弟早卒教姪如己子創家祠每祭奠必聚子

弟規誨之歲禮傾貲賑濟邑修文廟捐金厚助之造橋梁以

百計病時猶力建邑西新橋土人取琪字名之曰襄臣橋時

諸宏謐字文靜孫學濬字禹功諸士毅字安曾朱能一字含

光皆邑廩貢生又陳匡夏字大生李世藻字涵初居白鶴江

凌振之居凌巷孟觀光居珠坊橋先後以周急好義為時所

推

陸明字令融居青龍天性磊落不屑治生產傾資結客放意

詩酒貧不謀朝夕袁載錫謂其酒酣得句伸紙疾書胸中浩

浩不以貧故動其心由此進之人道不難

陸瑜字冠吳慶臻孫舉人官泰興教諭樸儉刻勵罷官後牆

壁多自泥砌卒年七十有五陳吳詒字燕公亦舉人邑令某

吳詒同年舉人也里人有餽重金求白事於令吳詒拒弗受

戚友數十里內慶弔皆徒步往來王昶嘗述瑜與吳詒事訓

子孫法

陸祖彬字孝質振芬子天性友愛收養從子族孫之孤苦及

族嫂之孀獨無依者凡數人葬其疏屬凡十一喪康熙四十

八年水災祖彬貸金糴米五百餘石轉貸之遠近藉舉火者

數百家修復育嬰堂全活尤眾邑人賴之

張安輿字基士諸生工書能詩所居有環翠軒幽致逼真沈曾豐館其家賓主唱酬自得時張氏羣從以資雄於里而安輿能超然物外獨寄情於林泉花木之勝時論頗賢之

張風雍字履中居七滙鎮年十六祖父母父母相繼殂謝風雍與伯兄執喪居禮而能經紀其家補縣學生名藉甚久之未娶或勸之曰禮未葬不除服兩世骨肉尚在淺土何敢先此與伯兄經營墓地葬而後娶君子以為知禮族有久不克葬者瘞之有姑喪其夫為之代輸歲賦又居鄉荒瘠重以役困會大吏清理縵田風雍獨任其費得以蠲減歲祿則竭所餘而賑之年六十有八卒孫宏燧乾隆十五年舉人仕至湖南桂陽州知州

吳廷楷字憲揆人品醇正學問淹通工篆隸為張廷璐所器重薦官吏部驗封司主事乾隆二年監督倉場稱職將陞擢遽卒年六十妻子不免凍餒生平廉潔自持或以媒孽之言告者輒掩耳曰毀譽何常吾不願聞其語以生芥蒂也

盛執字細初野望浜人諸生沈潛性理論學一依於誠敬嘗曰學者入手功夫莫要於改過由改過以馴致於有善無過即古聖日新又新之學手輯先正名言為庸言錄二卷與人交無城府怡怡肅肅有犯無校里黨多薰其德孫溥字敬甫力於為善嘗捐金為節孝之無力者彙請旌表

高一桂字進思府學生好推獎士類故人子不能就傅者招至家塾課之并給資斧治家嚴肅深嫉博籥戲鄰里二十餘家遵約束暮年與邵玘金瑜楊敬授諸人為九老會年七十

八卒

黃圻字覲揚朱芾孫好讀書多陰德乾隆乙亥大飢出所有以周里中急不足則割其畝有童子守舟適被竊主怒不可解為償之貸者至罔勿應不歸絕不與校除夕嘗持錢伺窮乏家置諸檻下不使知與自何人時稱黃義士中年游長沙幕吳人淪於寓者給資裝俾得歸鄉歲戊戌楚民多疫死肆發囊金瘞暴露復封沙土歲傭二力以為常某節婦為迫嫁經於戶發其事又力為請旌王希伊為之作傳子鎔諸生亦以好善稱

席世臣字鄰哉先世由常熟遷珠里曾祖啟寓例補工部虞衡司主事敦請陸隴其課其子隴其歿梓遺書行世世臣商籍學生分校四庫全書三分書欽賜舉人顧嗣立嘗輯

元詩四集第四集未梓世臣為梓行世又梓秘書數十種親自讐校猶懼未盡顏其室曰埽葉家世饒裕喜周急故中落時屠德修字尚恆縣學生善鑒別古書梓國初四家詩行世四家者王士正宋琬施閏章朱彝尊也嘉慶甲子饑德修傾家以濟里人稱頌至今

周泰圻字宏鎮業醫喜植盆樹宅南闢地為花園早起治圃畢徒步為人治疾日晡歸易芒屨擔水入林至煙暝月上徘徊不欲去所居深池廣宅清曠絕人齷齪子不敢近一日盜踰垣竊其家具及卉木泰圻憤甚訴諸縣令閱其狀羅列榆檜數十種不及財物令婉言釋之而稱其有癖為人清介拔俗贍給業師至沒齒不倦臨終以手植屬付諸友語丁寧也葉德基字履吉邑諸生嘉慶初建青溪書院募小蒸草蕩八

百餘畝作生童膏火德基父炳麟與有力既邑令馬紹援移  
 建書院德基請將泖中繳存草息千餘金供用并定考課條  
 程視奉賢肇文書院之例兼募鹽典捐置琴材泖田四十餘  
 畝子百純亦諸生能承先志咸豐時粵匪踞城書院久廢克  
 復後百純首請於縣令翟寅清修葺書院課試如初  
 王肇和字潔芳昶子監生生而穎慧經史如素習省試薦而  
 不遇性拘潔嚴正昶門人多貴顯每請資助援例移書勸駕  
 輒婉謝之里中賑糶任郵諸善舉施予不稍吝遠近咸感其  
 德蔬食敝纜田衣山屐樸嗇近人人亦忘其為貴公子也工  
 詩子紹基字純夫諸生天性誠篤幼以孝友稱克承家學好  
 文章而詩亦工咸豐元年 詔舉孝廉方正不起 賜六品  
 頂戴兵燹後貧甚偏樂急人急每典衣為人償債有貸其先

世金者燔其券弗問居恆為學必見諸躬行嘗曰學以存心  
 為本心存斯道存時本此旨以誨子弟卒年六十有七

陳維禮字會原世居蟠龍江上幼入塾讀孟子生於憂患死  
 於安樂兩言冥然沉思不怡者累日比長為學自治益嚴性  
 孝親疾嘗有甘露降於庭飲之而愈知醫夙喜宋大儒書尤  
 殫心中庸周易嘗曰中庸孔子世家也周易文王本紀也每  
 日天未明即朗誦周子太極圖說張子西銘危坐待旦以為  
 常其讀書之舍日時惕居學者稱時惕先生卒年六十九  
 徐士行字仲堯廩生慷慨負氣有才能金澤陳三姑滌祠自  
 千總徐大壯禁止後道光時復熾士行偕同人請諸巡撫檄  
 下邑令蔡維新燬之妖焰復息者數十年

王炳照字調元原名鼎本姓高以舅王氏無後繼焉武生優

敘把總銜負不羈才習詩書精騎射道光三年大水同黃汝玉楊壘辦西鄉撫賑盡心邑令李宗穎重之明年與開泖湖請撥蒲蕩備青溪書院膏火邑無文昌專祠炳照募建之於兩廡設號舍卓橙童試便焉又同倪臬趙斐友請於條銀內每兩提錢以佐賓興資并捐建籌濟堂於地方善舉無不盡力贊襄同時張起鯤字品珊例補營千總於彙旌節孝及修葺孔宅亦贊襄甚力葑奧塘慎敬修潘涇高學海皆助賑盡善而學海兼助已西賑云汝玉見文苑傳壘與敬修學海俱諸生

陳鱗字健文性慷慨有經濟才道光五年舉人丙戌會試華亭杜元照未至京病歿山東德州道上鱗為之經紀其喪厝諸寺榜後有吳持衡亦華亭人歿於京鱗獨力擔任與元照

櫬同送歸里癸巳邑水災襄辦義賑釐奸剔弊任勞任怨協修海塘竭力捐輸大吏上聞得旨以知縣用修學修城亦力王昶輯湖海文傳未梓鱗集資偕同志校刊羣稱縝密晚築別墅於城東曰娛甘有池亭花木之勝春秋佳日結友吟詩有九峯遺風卒年四十六無子嗣弟鉞次子作楫諸生庚申遇賊不屈殉難恩卹入祠

吳家鼎字蘭人本姓黃以舅氏無嗣父命家鼎後之遂姓吳少穎悟好學沈靜寡言教人以敦行為先點竄文字書必端楷副貢生候選直隸州州判同治初隨同大兵克復縣城加五品藍翎請旌孝弟節烈勤慎無倦生平不談釋老及歿自言夢一僧聯吟說偈知前身為惜字僧云倪駿煦字慈夢原名若駒副貢生居薛山履行端潔積學植



品教授四方所造多知名土工詩專寫性情豪宕處頗近太白有梅屋詩艸四卷獲餘十卷

劉觀光字鴻逵例貢生居蔡家涇道光己酉大水出粟一千石棉衣千領賑飢設粥廠至次年麥熟全活無算精醫尤通地理制軍陸某以厚聘欲延入湘辭不赴

金玉相字勉夫縣學生居蟠龍鎮性友愛從陸企照學家貧授徒嘗揭塾規四則曰正心曰明理曰敦倫曰立品大致以小學爲宗日課月會之行無佞越者

張煥字映庭邑人諸生於上海果育堂爲義塾師巡道某品爲諸義塾第一光緒三年卒

盧樂山七寶鎮五圖人年登九十四歲一堂五代祖父齊眉孫曾繞膝人稱極盛焉咸豐五年學政李聯琇以慶衍曾元

額獎之

陸永錫字孔時少貧服賈以養爲人古方耄歲與後生談乾隆時事猶娓娓不倦咸豐時卒年九十有九



